

春秋左傳類解

春秋左傳類解魯卷之二

蘆泉劉績編註

魯

曲阜縣今屬山東兗州府

姬姓。侯爵。出自周文王第四子周公旦。佐文武成王。有大勲勞於天下。成王命爲大宰。食邑扶風雍縣東北之周城。號宰周公。留相天子。主自陝以東諸侯。乃封其長子伯禽於曲阜。爲魯公。地方七百里。本少皞之墟。又大庭氏居之。曲阜委曲長七八里。本名魯。因以命國。伯禽卒。子考公酋立。四年卒。酋弟煬公熙立。六年卒。子幽公宰立。十四年宰一作圉弟魏公潰弑宰。自

立魏公五十年卒

世本魏作微

子厲公擢立三十七年卒

弟獻公具立三十二年卒子慎公湣立三十年卒

作順

弟武公敖立九年卒少子懿公戲立九年懿公兄

括之子伯御弑懿自立十一年為周討其罪殺之立

懿弟稱為孝公二十七年卒子惠公弗皇立四十六

年卒惠公生隱公入春秋後哀公獲麟傳九君二百

三十三年而頃公讐為楚考烈王所滅

隱公

名息姑惠公庶長子母聲子在位十一年為弟桓執謚法不尸其位曰隱

惠公元妃孟子孟子卒

元大也始也嫡夫人子宋姓不稱薨不成喪也無謚

得先夫死不從夫謚

繼室以聲子生隱公

繼復續也室夫婦所居因謂妻為室

聲亦謚也杜云蓋孟子之婦
姪元妃死則廢攝治內事
宋武公生仲子仲子

生而有文在手曰為魯夫人故仲子歸于我婦人謂嫁

曰歸以手理自然成字故歸魯生桓公而惠公薨是以隱公立而

奉之隱公繼室之子當立以仲子故立弟桓為嫡子攝位帥國人而奉桓

已未元年春王正月人君即位欲體元以居正故不曰一年一月

元年春王周正月不書即位攝也隱公攝立不行即位禮故不書

○公羊曰元年者何君之始年也春者何歲之始

也王者孰謂謂文王也何休曰文王周始受命之

方陳受命制正月故假以為王法不言謚者法其生不法其死與後王共之人道之始也與左氏異

王即時王謂為文王非也曷為先言王而後言正月王正月也

何言乎王正月大一統也

大猶重也統總繫之辭言正朔乃天子所頒特

以作事天下事皆統於一人故書王於正月上

公何以不言即位成公意

也何成乎公之意公將平

治也國而反之桓曷為反

之桓桓幼而貴隱長而卑其為尊卑也微國人莫

知

母俱隱長又賢諸大夫拔隱而立之

拔引也隱於

是焉而辭立則未知桓之將必得立也且如桓立

則恐諸大夫之不能相幼君也故凡隱之立為桓

立也

為去聲

隱長又賢何以不宜立立適以長不以

賢立子以貴不以長

適謂適夫人之子尊無與敵故以齒子謂左右膳及姪甥

之子位有貴賤又防其同時而生故以貴也禮之夫人無子立右膳右膳無子立左膳左膳無子立

嫡姪婦嫡姪婦無子立右媵姪婦右媵姪婦無子立左媵姪婦嫡姪家親親先立嫡文家尊尊先立姪子有孫而死貧家親親先立弟文家尊尊先立孫其雙生也貧家据見立先生文家据本意立後

生資所以防安爭桓何以貴母貴也母貴則子何以貴子

以母貴次立也母以子貴禮妻子立則母得為夫人

○穀梁曰雖無事必舉正月謹始也公何以不言

即位成公志也焉成之言君之不取為公也言隱意不

取為君之不取為公何也將以讓桓也讓桓正乎

曰不正春秋成人之美不成人之惡如隱不正而

成之何也將以惡桓也聲去其惡桓何也隱將讓

而桓弑之則桓惡矣桓弑而隱讓則隱善矣善則

其不正焉。何也。春秋貴義而不貴惠。信道而不信

邪。

信同申

孝子揚父之美。不揚父之惡。先君之欲與

桓。非正也。邪也。雖然。既勝其邪心。以與隱矣。已探

先君之邪志。而遂以與桓。則是成父之惡也。兄弟

天倫也。

先後乃天倫之序

為子受之父。為諸侯受之君。已

廢天倫。而忘君父。以行小惠。曰。小道也。若隱者。可

謂輕千乘之國。蹈道則未也。

此雖與左傳不同。議論甚正。故附此。

三月公及邾儀父盟于蔑。

父音甫。蔑公穀作昧。

三月公及邾儀父盟于蔑。邾子克也。

名克。字儀父。魯之附庸。

未王命。故不書爵。

一本無故字。

曰。儀父貴之也。

杜云。未王命。則

稱名能自通大國好公攝位而欲求好於邾故

息民故書字費之也

為蔑之盟
蔑即姑蔑魯國
下縣南有姑城

○公羊曰及者何與也會及暨皆與也曷為或言會或言及或言暨會猶最也最聚也及猶汲汲也暨猶暨暨也及我欲之暨不得已也儀父者何邾婁之君也何以名字也曷為稱字褒之也曷為褒之為其與公盟也與公盟者衆矣曷為獨褒乎此因其可褒而褒之此其為可褒柰何漸進也昧者何地期也

○穀梁曰及者何內為志焉爾儀字也父猶傳也

男子之美稱也。其不言邾子何也。邾之上古微未
爵命於周也。不日其盟淪也。昧地名也。

夏四月費伯帥師城郕。不書。非公命也。費伯魯大夫懿公孫

以費邑為氏。費音秘。即魯邑。單州魚臺縣有郕。即亭杜云在高平方與縣東南。

○秋七月天王使宰咺來歸惠公仲子之賵。賵。贈撫風反。車馬。

曰賵。貨財曰賵。衣被曰褫。具。王曰。舍宰冢宰。咺名也。音烜。

秋七月天王使宰咺來歸惠公仲子之賵。句。緩。惠公。

死已。且子氏未薨。子氏即仲子桓故名。王朝公卿之母在明年薨。故名。書官大夫。

書字上士中士書名。頃乃六卿書名。貶之甚矣。天子七月而葬。同執畢至。

洗本車。繼迹因謂不遵法。謂候五月同盟至。同盟

會盟大夫三月同位至。在列位者士踰月外姻

至。也。卒哭大夫三月而葬五月而卒哭但卒哭不

同令按踰過也。士半過一月即葬。似當贈死不及

尸。弔生不及哀。豫凶事。尸陳也。在牀曰尸。哀謂始

死者不及尸而先贈弔慰生者不待哀。非禮也。二

而先弔以預凶事以上釋子氏未薨。非禮也。者

禮皆非。八月紀人伐夷夷不告故不書。夷國在城陽

姓有蜚不為災亦不書。蜚音菲負蜚也。食苗之虫

九月及宋人盟于宿。不害公諱與宋人微者盟也。其地以國宿亦與焉。公立而

惠公之季年敗宋師于黃。宋邑陳留外黃縣東有黃城。公立而

求成焉。九月及宋人盟于宿始通也。宿國名風姓伏羲之後在

東平無臨冬十月庚申改葬惠公。公弗臨。故不書。

聲哀哭也。謂公不書哭為喪主。惠公之薨也。有宋師。即黃太子少

葬。故有闕也。故車是以改葬。衛侯來會葬。不見公。亦

不書。諸侯會葬非禮也。無喪主接見成禮故不書桓公來。○新作南門。不書。

亦非公命也。上有盟翼不書事見鄭

冬十有二月。祭伯來。祭則戒。天畿內邑名也。伯爵名畿內諸侯為王卿士者。

十二月祭伯來。非王命也。

○穀梁曰。來者來朝也。其弗謂朝。何也。寰內諸侯

非有天子之命。不得出會。諸侯不正其外交。故弗

與朝也。聘弓鏃矢不出境場。古以弓矢相聘。問聘音亦聘也。東脩

之肉不行竟中。

脩睦為東

有至尊者不貳之也。

公子益師卒。

伊川曰諸侯之卿必受命於天子當時不復請命故諸侯之卿皆不書官不與

其為卿也稱公子以公子故使為卿也惟宋王者後得命官故獨宋卿書官

衆父卒。

益師字衆父孝公于衆音終

公不與小歛故不書日。

禮

佐之喪小歛大歛君皆親臨之崇恩厚也恩數薄故不書日胡氏以公孫敖卒于外而公在內叔孫舍卒于內而公孫在外皆不與小歛而書日非左氏然此乃公在之常例與變不同也

庚申

二年春公會戎于潛。

陳留濟陽縣東南有戎城潛曹也名書會戎譏公容

其亂華也

二年春公會戎于潛。脩惠公之好也。戎請盟公辭。

○穀梁曰。會者外為主焉爾。知者慮義者行仁者。

守有此三者然後可以出會會戎危公也

○無駭帥師入極帥師用大衆也非王命而入人國其罪自見秋八月庚

辰公及戎盟于唐杜云八月無庚辰庚辰七月九日也日月必有誤書及罪中國書日

謹之也

司空無駭入極無駭孝公子展之孫爲司空未賜族故不氏極附庸小國名費

季父勝之費音秘去歲城即因得勝極費伯戎請盟秋盟于

唐魯地高平方與縣北有武唐亭音房類復脩戎好也復云

○紀子伯莒子盟于密伯傳作帛杜云子帛紀大夫裂繻字爲魯結好息民北之

內大夫而書莒子上稱字以嘉之也公羊以爲紀子伯者無聞焉耳

紀子帛莒子盟于密魯故也密莒邑城陽淳于縣東北有密神時魯莒

不平紀因昏
魯故平之

十有二月乙卯。夫人子氏薨。

桓公之母仲子即前歸
昭者不及哭故不書葬

辛酉

三年春王二月己巳日有食之。

○穀梁曰言日不言朔食晦日也其日有食之何

也吐者外壤食者內壤闕然不見其壤有食之者

也有內辭也或外辭也有食之者內於日也其不

言食之者何也知其不可知知也

此所吐出者其
壤在外其所吞

咽者壤入於內今日闕損光芒之壤不見是有物
食之也謂之有財食而復吐內壤外壤皆可稱謂

之有食之則但言其內壤不言其外故曰內於日
也日本月食而不言月者聖人慎疑作不可知之

辭乃格物之智齊魯之間謂鑿地出土
鼠作穴出土皆曰壤知也之知去声

○夏四月辛卯尹氏卒

傳作君氏公穀皆以尹氏為天子世卿

夏君氏卒聲子也

母

不赴於諸侯不反哭於寢

不祔於姑故不曰薨

禮夫人喪禮有三薨則赴於同盟之國既葬日中自墓反

虞於正寢卒哭則祔於祖姑今不然故不書薨

不稱夫人故不言葬不書

姓為公故曰君氏

既不書夫人薨故葬不言葬我小君某氏隱見為君曰君氏以

別凡妾也

壬戌隱四年

○夏公及宋公

殤

遇于清

公與宋公為會將尋宿之盟未及期衛人來告亂

州吁弑桓公

夏公及宋公遇於清

衛邑也齊北東阿縣有清亭遇者二國各

簡其禮若道路不期而相遇也

癸亥 五年春公觀魚于棠傳作矢

五年春公將如棠觀魚者魚古漁同臧僖伯諫曰

即公子強唐凡物不足以講大事其材不足以備

器用則君不舉焉也君將納民於軌物者也為物

納民於故講事以度軌量謂之軌度如字不軌放

量有法則一定取材以章物采謂之物章表也采

謂之物不軌不物謂之亂政公之行非講事亂

政亟行所以敗也也故春蒐蒐索禽獸夏苗為

除秋獮冬狩狩圍守也獲角皆於農

隙以講事也三年而治兵入而振旅振整也傳曰

不左傳魚魯春秋之天子不

或曰振以收為義如歸而飲至至廟而飲以數軍實軍

振車服旌旗昭文章車服旌旗明貴賤辨等列王執路鼓

大殺諸侯執黃順少長出則少者前趨敵之義習

威儀也自春蒐起應上鳥獸之肉不登於俎肉不

祭祀皮革齒牙骨角毛羽不登於器材不足為器用則公不

射自鳥獸起應上古之制也若夫山林川澤之實

器用之資阜隸之事官司之守非君所及也公曰

吾將畧地焉巡行遂往陳魚而觀之僖伯稱疾不

從書曰公矢魚于棠非禮也且言遠地也棠在單

路杜云高平方輿縣北有武唐亭魯侯觀魚臺

○九月考仲子之宮。初獻六羽。考始成而祭名諸侯無再娶仲子不得為夫入入惠廟故別立宮以祭之然非禮也穀梁云禮庶子為君為其母築宮使公子主其祭也於子祭於止孫

九月考仲子之宮。將萬焉。萬舞之總名公問羽數於衆

仲。對曰：天子用八，諸侯用六，大夫四，士二。夫舞所

以節八音而行八風，故自八以下。公從之。於是初

獻六羽，始用六佾也。佾舞列于羽之總稱也每佾六人共三十六人或曰文樂

二八則每佾八人六八四十八人于象武功羽家文德婦人無武事則獨奏文樂故書羽而不曰佾

也書初獻見前此為僭

○癸亥音真虫之冬十有二月辛巳，公子彊卒。彊苦候切

冬十二月辛巳。臧僖伯卒。公曰。叔父有憾於寡人。

憾猶恨也。謂不從諫觀魚。寡人不敢忘葬之加一等。

甲子六年春鄭人來渝平。納也。平者成也。公穀云。

也。輸。陸也。

六年春鄭人來渝平。更成也。渝變也和而不盟曰。

鄭獲楚鄭故欲救宋伐鄭因使者失辭止故鄭來渝平更成謂變前惡而為平成也。

夏五月辛酉公會齊侯盟于艾。

夏盟于艾。齊地泰山牟縣東南有艾山。始平于齊也。春秋前魯與齊不平。

今棄惡結好三年齊鄭盟于石門蓋因鄭以宋魯也先儒以為齊鄭合黨理或然也。

秋七月

○公羊曰。此無事。何以書。春秋雖無事。首時過則書。首時過則何以書。春秋編年。四時具然後為年。

乙丑隱七年

○夏城中丘。齊侯。

傳

使其弟年來聘。

程氏曰。年倍公。

母弟母弟者。蓋緣禮文有立嫡子。同母弟之說。其曰同母弟。蓋謂嫡耳。非以同母為加親也。此義不明。久矣。倍公愛年。其子尚禮秩如嫡。卒致篡弑之禍。故於來聘書弟。以示貶之。按傳創母弟。公在曰。公子不在。日弟為優。

夏城中丘。書不時也。

中立在聊。聊縣東北。魯邑名。

齊侯使夷

仲年來聘。結艾之盟也。

○冬。天王。

桓

使凡伯來聘。戎伐凡伯于楚丘。以歸。

一人。

而日伐大天子之命也。

初戎朝于周發弊于公卿凡伯弗寘

九國伯爵周大夫汲郡共

縣東南有九城周公之胤也

冬王使凡伯來聘還戎伐之于楚

立以歸

楚立衛地在濟陰城武勝西南

丙寅歷八年

○三月鄭伯

莊

使宛來歸枋庚寅我入枋

枋必

彭天公穀作而八者義不可而強入之也

鄭伯請釋泰山之祀而祀周公以泰山之枋易許

田

枋宣王特賜鄭湯沐之邑在邾郚費縣東南近魯許田成王特賜魯朝宿之邑近許故曰許田

近鄭周制六年五服一朝故魯王歲有朝宿邑後世因立周公別廟又六年王巡狩諸侯各朝方據

故鄭泰山有湯沐邑謂之湯沐者言將助柴望祭供其沐浴之費也鄭以天子不能復巡狩故欲以

枋易許田各從所近恐魯以周公別廟為疑故云已廢泰山之祀而欲為魯祀周公

三月使宛來歸枋不祀泰山也。

宛鄭大夫不書氏未賜族也

○九月辛卯公及莒人盟于浮來。

浮來公穀作包

螟冬十有

二月無駭卒。

無駭書名未賜族也

公及莒人盟于浮來。

浮來紀邑東莞縣北有邳鄉邳鄉西有公來山號曰邳來

問一云莒地

以成紀好也。

二年紀莒盟

○無駭卒。羽父

請謚與族。

羽父公子翬也謚死者易名族之稱號族生者別宗之氏

公問族於

衆仲。衆仲對曰：天子建德。

立有德為諸侯

因生以賜姓。

如舜生姁

內陳賜為姁姓今按姓生也以此為祖今之相生雖下及百世而此姓不改則生非但指居土如吞

意茲故夏姓如

胙之土而命之氏。

建置社稷曰胙如胡公封陳即

為陳氏

諸侯以字為謚，因為族。

杜註以為謚因為族謂以先人謚號

為族竊意氏以別貴賤者有名無氏釋例曰別而稱之謂之氏合而言之則曰族蓋似氏之誤指始賜者而言族類也屬也與子孫共相連屬也指賜氏者之後而言謂諸侯之臣以所出租之字為氏後世就以為族諸侯降於天子官有世功則有官

族

如晉士氏中行氏

邑亦如之

如晉魏氏趙氏

公命以字為展氏

無駭公子展之孫故以字為展氏古者諸侯子為大夫稱公子孫為大夫稱公孫公孫之子不可復言公孫則稱王父字以別之未賜族為大夫則稱名已賜族使世為大夫則稱族

丁卯

九年春天王

桓

使南季來聘

○穀梁曰南氏姓也季字也聘問也聘諸侯非正

也

古者天子本時聘以結好問問以論志今魯不朝而聘故非正

三月癸酉大雨震電庚辰大雨雪

兩雪之去聲

九年春王三月癸酉大雨霖以震書始也。言自癸酉日始

後皆庚辰大雨雪亦如之。亦自庚辰始也書時失也。周三月為

夏正月雷未發聲電未見既震九雨自三曰以往電則不當復雨雪故皆為失時

為霖平地尺為大雪

挾卒。音叶公穀作俠夏城郎。即魯邑名秋七月。

夏城郎書不時也。

已巳十有一年春。滕侯薛侯來朝。十孟則夏始以奇從孟數故曰有朝

氏以滕薛二君不特言者讓旅見也非天子不旅見

十一年春。滕侯薛侯來朝。爭長。薛侯曰。我先封。薛祖

矣仲夏所滕侯曰。我周之卜正也。滕乃文王子叔輔後卜正杜云

卜官之長也與庶姓不應未詳薛庶姓也。我不可以後之。公使羽

父請于薛侯曰。君與滕君。辱在寡人。周諺有之曰。

山有木工則度之。賓有禮主則擇之。擇是者而從周之

宗盟異姓爲後。宗盟宗室會盟也寡人若朝薛不敢與諸

任齒。任薛之諸宗齒年齒相次列也君若辱貺寡人則願以滕君

爲請。薛侯許之。乃長滕侯。

○冬十有一月壬辰公薨。不書弒示臣子於君父有不書弒示臣子於君父有不及其實之忠不書

葬示臣子於君父有討賊復讐之義

羽父請殺桓公。將以求大宰。公曰。爲其少故也。吾

將授之矣。使營菟裘。公將老焉。菟裘魯邑名在宛州奉符縣社西

泰山祭父縣南欲讓桓羽父懼反諸公于桓公而

請弑之公之為公子也與鄭人戰于狐壤止焉家

鄭地內諱獲故言止鄭人囚諸尹氏鄭大夫賂尹氏而禱於其

主鍾巫主尹氏所祭之神遂與尹氏歸而立其主立鍾巫于魯

十一月公祭鍾巫齊于杜圃杜國名館于寯氏寯于委反

一音委魯大夫家壬辰羽父使賊弑公于寯氏立桓公而

討寯氏有死者不書葬不成喪也

○公羊曰公子翬諂乎隱公謂隱公曰百姓安子

諸侯說子盍終為君矣說音悅于指隱公隱曰吾否吾使

脩塗裘吾將老焉公子翬恐若其言聞乎桓於是

謂桓曰。吾為子口隱矣。隱曰。吾不反也。

口口語告也。反謂還

其位也。

桓曰。然則柰何。曰。請作難。弑隱公於鍾巫之

祭馬。

此傳舊在鞏帥師下今附此

桓公

名執史記名元惠公子隱公弟毋仲子夫人文姜欲隱自立在位十八年謚法辟土

服遠曰桓

庚午

元年春王正月公即位。

○穀梁曰。元年春王。桓無王。其曰王。何也。謹始也。

其曰無王。何也。桓弟弑兄。臣弑君。天子不能定。諸

侯不能救。百姓不能去。以為無王之道。遂可以至

焉爾。

至謂弑兄弑君也

元年有王。所以治桓也。

以王法正弑逆罪

正月公即位。繼故不言即位。正也。繼故不言即位之爲正何也。曰。先君不以其道終。則子弟不忍即位也。繼故而言即位。則是與聞乎弑也。繼故而言即位。是爲與聞乎弑何也。曰。先君不以其道終。已正即位之道而即位。是無恩於先君也。

三月公會鄭伯。

莊

于垂。

衛

鄭伯以璧假許田。夏四月

丁未。公及鄭伯盟于越。

土

地。賜之天子傳之。先王鄭

曰。易而言假者。夫易則已矣。言假則有歸道焉。非止隱國惡。又以見許人改過遷善意也。

元年春。公即位。脩好于鄭。鄭人請復祀周公。卒易枋田。公許之。三月。鄭伯以璧假許田。爲周公枋故。

也。為欲祀周公又有枋與魯以枋為不足故又以璽益之假借也夏四月丁未公

及鄭伯盟于越。衛地結枋成也。盟曰。渝盟無享國。

秋大水。冬十月。

秋大水。凡平原出水為大水。冬鄭伯拜盟。

辛未桓二年○夏四月取郕大鼎于宋。戊申納于大廟。宋

弑殤公三月會齊陳鄭于稷成宋亂宋賂以郕鼎見宋取者非其有而得也納者不受而強致之也

夏四月取郕大鼎于宋。戊申納于大廟。大廟周公廟也非

禮也。臧哀伯諫曰。信伯之子君人者將昭德塞違。

以臨照百官。猶懼或失之。故昭令德以示子孫。得

事之合理者違謂事之非理者昭明其德則塞止其違如此臨百官猶恐其不從故又明善德以示

後如下 是以清廟茅屋大路越席大羔不致菜食

不饗昭其儉也

清廟肅然清靜之廟茅屋以茅為蓋也大路木輅祀天者越音括蒲

草也大羹大古之羹不致無五味調和也黍稷曰菜饗精細也凡此皆示儉

衮冕黻珽

帶裳幅舄衡統紘紕昭其度也

衮畫衣冕冠也黻古者席地坐臨組

五故設黻以備滿漬在冕服謂之黻他服謂之紕實一物也珽大圭也長三尺帶大帶裳衣下

幅音偏幅束其脛自足至膝舄複履也衡維持冠者純多取反所以懸瑱瑱當耳者結屈組繫左右

垂餘為舄杜云纓從下而上者珽纓用兩組屬之於兩旁結之於纓下垂其餘也紕用纓從下屈

而上屬之於兩旁垂其餘也弁冕有笄用紕紕布冠無笄用纓紕音延冠上覆者冕以木為幹以玄

布衣其上凡此藻率鞞鞞鴈游纓昭其數也

尊卑各有制度藻畫以緒王其數公侯伯皆三采朱白章衣板而藻畫以緒王其數公侯伯皆三采朱白

蒼公長九寸侯伯長七寸子男長五寸采朱綠率

合

音兩

游鑾九

以為之

昭其

五色

其幾耳

三辰

度登

發之。

律
律紀

綱紀法度也指德而言此以上今滅德立違而寘

其賂器於大廟以明示百官百官象之其又何誅

焉也立違也寘華賢之賂器於大廟所以為立違

所以不能化下國家之敗由官邪也官之失德寵

賂章也部罪在廟章孰甚焉此言納部罪非徒不

武王克商遷九鼎于錫邑義士猶或非之而况將

昭違亂之賂器於大廟其若之何九鼎族所受夏

者武王伐紂克商遷之於洛邑欲營周居于此而

未就也非之者謂不當遷亡國物以示民也今宋

督弒君納賂之物非商九鼎可比魯之大廟非武

王之錫邑可比則非之豈止義士而已哉此言納

部罪人必非公不聽周內史聞之曰滅孫達其有

君舊註悞非

後於魯乎。君違不忘諫之以德。建哀伯名也。違

○穀梁曰：桓內弑其君，外成人之亂，受賂而退，以

事其祖，非禮也。其道以周公為弗受也。郕，鼎者，郕

之所為也。曰：宋取之宋也。以是為討之鼎也。孔子

曰：名從主人，物從中國。故曰：郕大鼎也。主人謂作

也。故繫之郕，物從中國，謂是大鼎。故夷狄亦從中國之名也。

○公及戎盟于唐，冬，公至自唐。

公及戎盟于唐，脩舊好也。冬，公至自唐，告于廟也。

凡公行，告于宗廟，反行飲至，舍爵策勳焉，禮也。飲

告至而飲酒于廟也。舍爵，釋置也。策，勳，書所特記。出之功於策也。舍爵，即策勳，言連紀有功也。特記。

會往來稱地讓事也

會必有主。公獨與一國會則俱不肖。當主兩國會事不成。

往來但書地故書盟唐至唐

自參以上則往稱地來稱會成事

也

壬申三年春正月公會齊侯

傳

于贏

胡氏以元年書正隱之殺二

年書王正與夷之殺此不書者桓公殺立至今三年而諸侯之喪事畢矣是入見受命于天子之時也天子者見桓無王與天王失政而不王也十年書王者十者盈數也天道十年則亦周矣人事十年則亦變矣傳論遠惡者十年而必棄桓公至是十數已盈宜見許於天人矣十年書王紀常理也十八年書王者桓雖沒而王法不得赦也又莊王新即位三年喪畢雖在前朝莊王亦當討也竊疑不書王者罪桓無王天子不能討罪也元年異其將討故書王不討又侯之故二年亦書王二年不討則不能討矣故三年以後不書王不成王矣十年物必變又書王以異改而

討之於此不討則安於自棄矣故仍不書王十八年
復書王者以桓將沒不討則失賊矣所以見弑君者
終身當討而王不能討之也三
年書王見宋十年書王見魯

會于羸

齊邑即泰山羸縣

成昏于齊也

不由媒介自與齊會成親非禮也

○秋七月壬辰朔日有食之既

既盡也

公子翬如齊逆

女九月齊侯送姜氏于謹

謹魯地齊北蛇丘縣西有下謹亭已去齊國故不言

女未入魯國故不稱夫人

公會齊侯于謹夫人姜氏至自齊

秋公子翬如齊逆女脩先君之好故曰公子

杜云婚禮

雖奉時君之命其言必稱先君以為禮故曰脩先君之好按公子親貴之稱也其使彼結昏繼好貴

重其人所以貴重其事也故書公子齊侯送姜氏非禮也一本作送姜氏于齊

凡公女嫁於敵國姊妹則上卿送之以禮於先

公子公所生女則下卿送之於大國雖公子亦上卿送

之於天子則諸卿皆行公不自送於小國則上大

夫送之

○穀梁曰公子暈如齊逐女逐女親者也使大夫

非正也九月齊侯送姜氏于謹禮送女父不下堂

母不出祭門諸母兄弟不出闕門祭門廟門也闕門觀也在祭門

外父戒之曰謹慎從爾舅之言母戒之曰謹慎從

爾姑之言諸母般申之曰謹慎從爾父母之言般

也所以盛悅中之屬事舅姑者士昏禮庶母及門

內施般申之以父母之命曰敬恭聽宗爾父母之言風夜無怠送女踰竟非禮也公會齊侯于謹無

視諸於聲

譏乎曰。為禮也。齊侯來也。公之逆而會之。可也。夫人姜氏至自齊。其不言。聲之以來。何也。公親受之于齊侯也。子貢曰。冕而親迎。不已重乎。孔子曰。合二姓之好。以繼萬世之後。何謂已重乎。明公會齊侯為禮

冬齊侯使其弟年來聘。

冬齊仲年來聘。致夫人也。

古者女出。嫁又使大夫隨加聘。問存。譏敬序廢。

勤也在魯而出。則曰致女。在他國而來。則總曰聘。故傳以致夫人釋之。

有年。

五穀皆熟。為有年。桓執君當災異而反有年。書異也。獨此為有年。則他年歉可知矣。

癸酉。

四年春正月公狩于郎。

郎遠地。古者諸侯田狩。不過郊。何以書。譏遠也。

四年春正月公狩于郎。書時禮也。

杜云。郎非特地。故書時。合禮周。

正月夏十
一月冬也

夏天王

桓

使宰渠伯糾來聘

明氏曰奉命以聘執君之賊故與而書名以見

宰之非宰也稱伯爵者任之重則責益深矣

夏周宰渠伯糾來聘

宰豕宰渠氏伯爵糾渠父在名也杜云伯糾名也

故名

杜云王官之宰當以才授位攝父之職出聘故書名譏之

五年

○天王使仍叔之子來聘

仍叔之子弱也

仍叔周大夫杜註弱謂幼弱也譏以大臣私意及其尚存用其子乎

之弱者敗國事按襄二十八年葬靈王伯有曰弱不可謂微賤也則此弱亦謂微賤也

使大夫之子來爵微賤者也

○穀梁曰任叔之子者錄父以使子也故微其君

臣而著其父子不正父在子代仕之辭也錄收錄也

故而用其子故不書子之官爵而書仍叙之子以譏之

○城祝立祝立齊魯境上邑齊將釁紀公欲助紀而畏齊故非時城以備之然夏城非時也

○大雩月令仲夏之月命有司為民祈祀山川百源大雩帝用盛樂雩者吁嗟求雨之祭也為壇

於南郊之旁雩五方上帝配以先帝歌舞於壇上故名其壇曰雩雩常祭不書此書大雩者見旱之甚而不時也

秋大雩書不時也凡祀啓蟄而郊建寅龍見而雩

東方七宿為蒼龍建巳月見東方按月令當是建午月見南方一曰正雩在四月為五月不雨將雩

故記之於始殺而嘗建酉月月令孟秋天閉蟄而

烝建亥月昆蟲閉過則書

烝祭宗廟

冬

公羊作錄蝗屬也長而青長角長股一生九十九子冬州公如曹。

冬淳于公如曹。

淳于地名在城陽淳于縣州曰淳于公曰度

其國危遂不復

出國亂不能自安故出朝而遂不還也

乙亥桓

六年春正月寔來

春秋諸侯不生名失地滅同姓則名冬如曹尚為君也故

以諸侯書之今不能反國則匹夫也故名之不稱州

六年春自曹來朝書曰寔來不復其國也

寔州公名謂之

來者不復之辭也杜云寔實也公穀云是也是人來也恐皆非

秋八月壬午大閱

周制大司馬仲冬大閱教衆庶脩戰法書八月為不時

秋大閱簡車馬也

公羊曰大閱者何簡車徒也何以書蓋以罕書

也。註北年簡徒謂之蒐三年簡車謂之大閱五年大簡車徒謂之大蒐安不忘危意罕希也忘武備過三年故書蒐例時此日者桓既無文德又忘武備故尤危錄之也。

○九月丁卯子同生。不書世子無生而貴者誓於天子然後為世子嫡冢始生即書

正大本而防階亂也

九月丁卯子同生以太子生之禮舉之接以大牢

大牢牛羊豕也禮云接以大牢卜士負之士妻食

之。三日卜士負之謂承負於寢門外為斯須之禮而即與保母也卜大夫之妾士妻使食子為乳

母公與文姜宗婦命之。禮三日妻以子見於父父執手而名之世子則君

沐浴朝服夫人亦如之皆立於阼階西卿世婦抱子升自西階君名之乃降蓋同宗婦公問

名於申繻。繻音須對曰名有五有信有義有象有

假有類以名生為信

若虞叔季友仲子生而有文在手

以德命為

義

若文王名昌知其必昌盛武王名發知其必發其誅暴

以類命為象

若孔子首

象尼丘名立

取於物為假

若伯魚因人鯁魚名鯉

取於父為類不

以國不以官不以山川不以隱疾

隱痛疾也

不以畜

牲不以器幣周人以諱事神名終將諱之

以諱神名為敬

故君父卒不敢稱其名禮既卒哭以木鐸拘日舍故而諱新謂舍親盡之祖而諱新死者自父至高

祖皆不敢斥名故以國則廢名

國不可廢故

以官則廢職

以山川則廢主以畜牲則廢祀以器幣則廢禮晉

以僖侯廢司徒

以僖侯名司徒故司徒改為中軍

宋以武公廢司

空

以武公名司空故司空改為司城此言以官廢職

先君獻武廢二山

獻名

具武名教更以其鄉名謂官是以大物不可以命

山川也此言以山川廢主公曰是其生也與吾同物謂官

物舉重以見輕也同日故命之曰同用取於父

丙子七年春二月己亥焚咸丘焚火田也咸丘魯地

縣南有成亭書焚咸丘塗獵夏穀伯綏來朝鄧侯吾

離來朝

七年春穀伯鄧侯來朝名賤之也穀嬴姓伯陶今襄陽穀城縣西

北五里故穀城杜云在南鄉筑陽縣北鄧曼姓商

之侯罔其地今襄陽鄧城即漢鄧縣也去魯絕

桓丁丑八年春正月己卯烝書正月烝兄夏五月烝為烝

○公羊曰。烝者何。冬祭也。春曰祠。祠猶食也。繼祠也。春物始生。孝

子思親繼嗣而夏曰杓。杓麥苗始熟可杓一云秋曰

嘗。嘗者先辭也。秋成者冬曰烝。烝衆也。氣盛兒冬

多芬芳備常事不書。此何以書。譏何。譏爾譏亟也。

具故曰烝亟則黷。黷則不敬。君子之祭也。敬

而不黷。言不失之亟疏則怠。怠則忘。士不及茲四

者。則冬不裘。夏不葛。忘不念親也。士若有他故不

暑服蓋思祭親之至不及此四時祭則不敢美。索寒

天王使家父來聘。家氏父子周大夫胡氏曰下聘載

於前其餘夏五月丁丑烝。公羊曰何以○冬十月雨

左傳魯卷之二十一

雪。八月雨雪書異也

戊寅桓九年。夏四月。秋七月。

己卯桓十年。○秋公會衛侯于挑丘。弗遇。冬十有二月丙

午。齊侯傳衛侯宣鄭伯莊來戰于郎。挑丘衛地。濟北東阿縣東南有

挑城衛與公為會。則中變而從齊鄭。故公獨往。不過郎。魯地來戰者。責三國不當來耳。內不言戰。言戰乃敗失。

冬。齊衛鄭來戰于郎。我有辭也。言但討其後鄭魯以周禮故為有辭

初。北戎病齊。在六年。見鄭諸侯救之。鄭公子忽有功焉。

齊人餽諸侯。使魯次之。魯以周班後鄭。鄭人怒。請師於齊。齊人以衛師助之。故不稱侵伐。先書齊衛。

王爵也

鄭主兵而不書為首齊衛皆侯爵

庚辰桓

十有一年春正月齊人衛人鄭人盟于惡曹

十一年春齊衛鄭宋盟于惡曹

三國既不以道與師為即之戰

又結黨為惡曹盟故不書爵以貶之不書宋經闕也

○柔會宋公

莊

陳侯

厲

蔡

桓

叔盟于折

賜

柔魯大夫未族者蔡叔

蔡大夫叔字也折之設反其地未詳

公會宋公于夫鍾

公作

童

冬十有

二月公會宋公于闕

魯地在東平須昌縣東南張氏曰自去年魯與齊衛鄭為讐欲

合黨以敵之於是結宋與陳蔡要言秋血初無忠信誠愁相與之心又以大夫盟諸侯故不足恃以文而

公又與宋公晏會求以補前失堅宋之合也

辛巳桓

十有二年春正月

壬午桓
十三年 ○夏大水秋七月冬十月

鄭人來請脩好。十二年會鄭厲
盟武父見宋

癸未 十有四年春正月公會鄭伯厲于曹。莊

十四年春會于曹曹人致餼禮也。以曹地曹
亦與會

無冰。周正月於夏為仲冬
煥而無冰故記異 夏五

○穀梁曰孔子曰聽遠音者聞其疾而不聞其舒望遠人者察其貌而不察其形立乎定哀以指隱桓隱桓之曰遠矣夏五傳疑也

鄭伯使其弟語來盟。語穀
作禦

夏鄭子人來尋盟。子人即弟語後為子人
氏尋盟尋武父之盟 且脩曹

之會

○穀梁曰諸侯之尊兄弟不得以屬通

范註禮非始封之君

則臣諸父昆弟人臣不可
以敵君故不得以屬通

其弟云者以其來我舉

其貴者也

隱七年齊侯弟年聘作來接於我

來盟前定也不日前

定之盟不曰

秋八月壬申御廩災乙亥嘗

御廩以貯人君躬耕藉田之米事供粢盛而不

取他
用者

秋八月壬申御廩災乙亥嘗書不害也

杜云災其屋救之則

息不及穀
故曰不害

○穀梁曰御廩之災不志此其志何也以爲唯未

易災之餘而嘗可也志不敬也可謂可天子親耕

以共粢盛王后親蠶以共祭服國非無良農工女

也以爲人之所盡事其祖禰不若以已所自親者

也何用見其未易災之餘而嘗也曰甸粟而內之

三宮三宮米而藏之御廩甸甸師掌耕藉藉田之

納粟三宮三夫人宮也宗夫嘗必有兼甸之事焉

壬申御廩災乙亥嘗以爲未易災之餘而嘗也兼甸

謂三宮米必待甸師致粟今乙亥去壬申三日必非甸師致粟而米之故知爲災之餘米

甲申桓十五年○邾人牟人葛人來朝牟國在泰山牟縣葛國在梁國寧陵縣東

凡

○公羊曰：皆何以稱人夷狄之也？
桓行惡而三人為

夷狄之

乙酉桓十六年 ○秋七月公至自伐鄭冬城向
魯邑

秋七月公至自伐鄭以飲至之禮也。
時會諸侯伐鄭納突事見

鄭冬城向書時也。
下有十一月則此乃十月周十

于此而以春正月畢工則無所費病矣

丙戌桓十七年 ○二月丙午公會邾儀父盟于越
翠執及會

夏五月丙午及齊師戰于奚
奚魯地皆陳曰戰穀作即

及邾儀父盟于越
地尋茂之盟也在隱元年夏及齊師

戰于奚彊事也。
爭彊之事於是齊人侵魯彊彊吏來告。

公曰。彊場之事。慎守其一。而備其不虞。姑盡所備。

焉。事至而戰。又何謁焉。

一謂事之常一定者不虞。謂非常意外之變也。

○穀梁曰。內諱敗舉其可道者也。

故言

不言其人。

以吾敗也。

言人乃微者敗於微者其耻又甚故言師

不言及之者。為內

諱也。

及當有人公親帥之故諱不書公

○冬十月朔日。有食之。

冬十月朔日。有食之。不書日。

不書支干日

官失之也。天

子有日官。諸侯有日御。日官居卿。以底日。禮也。日

御不失日。以授百官于朝。

底音絀致也平也言天子曰官掌曆不在六卿

數而位從卿故曰居卿推極平定日支干頒于諸侯在禮如此既頒矣諸侯日御不失所頒之日

百官於朝今不知支于是天子曰
官之失也趙氏以為史官甚謬

丁亥十有八年春王正月公會齊侯案于濼音濼又洛公

與夫人姜氏遂如齊公無與字夏四月丙子公薨于齊丁

酉公之喪至自齊謂之與者許可之辭夫人
專行而公從之罪在公也

十八年春公將有行遂與姜氏如齊申繻曰女有

家男有室無相瀆也謂之有禮杜云女安夫之家
夫安妻之室内外

不相易此必敗公會齊侯于濼濼水名在濟南歷
城縣西北入濟公

本與夫人同行先
自會齊侯于濼遂及文姜如齊齊侯通焉公謫

之以告夏四月丙子享公使公子彭生乘公公薨

于車魯人告于齊曰寡人畏君之威不敢寧居來

脩舊好禮成而不反無所歸咎惡於諸侯請以彭

生除之

言魯見殺之惡聞於諸侯請殺彭生除此惡

齊人殺彭生

秋七月冬十有二月己丑葬我君桓公

昭未討何以書葬魯在外

也魯在外不責踰國而討于是也

莊公

名同桓公子母文姜夫人哀姜年十四即位三十二年卒謚法勝敵克亂曰莊

戊子

元年春王正月三月夫人孫于齊

文姜與弑桓故出齊謂之

孫猶孫讓而夫位也

元年春不稱即位文姜出故也

杜云莊公父弑母出故不忍行即位

之禮據文姜未還故傳稱文姜出也

三月夫人孫

于齊不稱姜氏絕不為親禮也

蓋夫人不自安而復奔齊既弑其父

則非有母之親故
絕之不書姜氏

○公羊曰元年春王正月公何以不言即位春秋

君弑子不言即位君弑則子何以不言即位隱之

也說隱隱子也不忍言即位三月夫人孫于齊

孫者何孫猶孫也內諱奔謂之孫夫人固在齊矣

其言孫于齊何念母也以念思念也言夫人已在齊

所正月以存君念母以首事書正月見已繼位為

先於親序念母夫人何以不稱姜氏貶曷為貶與

弑公也其與弑公柰何夫人譖公於齊侯公曰同

非吾子齊侯之子也齊侯怒與之飲酒於其出焉

左傳卷之二十一 宣公八年 齊侯怒與之飲酒於其出焉

使公子彭生送之於其乘焉。搯幹而殺之。搯同拉折聲也

幹音骨也念母者所善也。則曷為於其念母焉？賤不與

念母也。念母則忘父背本之道也

○穀梁曰：孫之為言猶孫也。謹奔也。接練時錄母

之變始人之也。范甯曰：夫人初與桓俱如齊，今又書者於練時感夫人不與祭故始

以人道錄之不言氏姓賤之也。人之於天也，以道受命

於人也。以言受命，不若於道者。天絕之也。不若於

言者，人絕之也。臣子大受命。天自理言人自事言若順也言人於天人

以道以言受命夫人弑夫逆理於道不順亂倫於言不順禮之臣子以天人絕之故義得賤夫人也

舊註

○王使榮叔來錫桓公命

榮氏叔字周大夫也。不稱天王。胡氏云。寵集賦以濟。

也三綱

○穀梁曰。禮有受命。無來錫命。錫命非正也。生服之。死行之禮也。生不服死追錫之。不正甚矣。

行之謂以

葬也

已丑莊二年

○夏公子慶父帥師伐於餘丘

於發語詞餘丘杜云國名

慶父莊公庶兄

○穀梁曰。國而曰伐於餘丘。邾之邑也。其曰伐何

也。公子貴矣。師重矣。而敵人之邑。公子病矣。病公

子所以譏乎公也。

將尊師來諱敵人也。故害伐

其一曰。君在而

重之也

齊君在此邑故不繫於邦
重之使若國然故書伐

○冬十有二月夫人姜氏會齊侯于禚

襄于禚音灼齊地
公作部

二年冬夫人姜氏會齊侯于禚書姦也

○穀梁曰婦人既嫁不踰境踰境非正也婦人不

言會言會非正也饗甚矣

甚謂至極而無以加也
婦人之不正至饗極矣

辛卯四年春王二月夫人姜氏享齊侯于祝丘

祝丘魯地

享以訓恭儉兩君相見享于廟中
且非兩君又去其國而享非禮也

○穀梁曰饗甚矣享齊侯所以病齊侯也

○秋七月冬公及齊人狩于禚

禚齊地

○穀梁曰齊人者齊侯也其曰人何也卑公之敵

所以卑公也。何為卑公也。不復讐而怨不釋刺釋怨也。

○公羊曰。公曷為與微者狩。齊侯也。齊侯則其稱人何。諱與讐狩也。前此者有事矣。後此者有事矣。則曷為獨於此焉。譏於讐者。將壹譏而已。故擇其重者而譏焉。莫重乎其與讐狩也。狩者教習兵旅。取禽奉示廟。讐其不用衆復讐忘父也。於讐者。則曷為將壹譏而已。讐者無

時焉。可與通。通則為大譏。不可勝譏。故將壹譏而已。其餘從同同。其餘輕者從義與重者同。不復譏。都與無讐同。文論之所以省文。達

其異義矣。凡二同故言同同。註謂輕者同此義之賤而文同也。國書法也。

莊五年春王正月夏夫人姜氏如齊師齊侯數出會以

無名乃興師而出託以征伐之事文姜於是會之不書月至北歷月而反故書時

癸巳莊六年秋公至自伐衛鎮冬齊人來歸衛俘俘公

實五年冬會齊襄宋閔陳宣蔡哀伐衛納惠公王人救衛見衛

冬齊人來歸衛寶文姜請之也實所俘獲之寶也

謝

○公羊曰此衛寶也則齊人曷為來歸之衛人歸

之也衛人歸之則其稱齊人何讓乎我也其讓乎

我柰何齊侯曰此非寡人之力魯侯之力也明得

人賂齊齊讓魯使分送魯也

○穀梁曰以齊魯之分惡於齊也使之如下齊而

來我然惡戰則殺矣

若獨自歸實於齊過齊然後與我齊首其事則我與王人

戰罪差減矣
殺色界反

甲午七年春夫人姜氏會齊侯于防夏四月辛卯夜

恒星不見夜中星隕如雨

見音現杜云辛卯四月五日

七年春文姜會齊侯于防齊志也

防魯地至齊地則姦發夫人至

魯地則齊侯之志

夏恒星不見夜明也

恒星有名之恒星夜無日光則暗而

星見不見者夜有日光明如晝也

星隕如雨與雨偕也

隕自上而墜下也如

雨言衆多不可爲數也偕同也謂與雨同

○穀梁曰夏四月辛卯昔恒星不見恒星者經星

也。曰入至於星出謂之昔。不見者可以見也。夜中

星隕如雨。其隕也如雨。是夜中與春秋著以傳著

疑以傳疑中之幾也。而曰夜中著焉爾。何用見其

中也。失變而錄其時則夜中矣。著明著也疑疑惑也幾微也失變差

失變動也時漏刻之時也言春秋著疑不改妄易今中之微而曰夜中本疑傳著者蓋星雖隕落不

可定中以漏刻時而知夜中也其不曰恒星之隕何也。我知恒星

之不見而不知其隕也。我見其隕而接於地者則

是雨說也。著於上見於下謂之雨。著於下不見於

上謂之隕。豈雨說哉。說訓詁也雨見上下之見皆去聲言星隕接於地則是雨

說經何不書雨星而書隕星蓋以上下皆可見斯可謂之雨若但著下而不見上則謂之隕豈雨說

哉恒星不見故曰不見於上舊註俱非

秋大水無麥苗冬夫人姜氏會齊侯于穀穀齊地也

城縣

秋無麥苗不害嘉穀也周之秋今五月高下有水為大水杜云漂熟麥及五

穀稈苗黍稷尚可更種故不害嘉苗

乙未八年春王正月師次于郎以俟陳人宣蔡人哀

甲午治兵公作祠兵夏師及齊師圍郕郕降于齊師秋師

還郕伯爵文王五子郕叔武所封或言武王封季載于此在濮州雷澤北二十里故郕國郕是也降于

音旋蔡還

八年春治兵于廟禮也魯將與陳蔡伐郕又次於外不至衆心不一故申明

春秋左傳卷之二十一 宣公八年

約束以訓齊其衆不得已而治之故為變中之夏禮殺蔡謂戰終是也然師出無名已非禮矣

師及齊師圍郕郕降于齊師仲慶父請伐齊師公

曰不可我實不德齊師何罪罪我之由罪由我夏無德

書曰臯陶邁種德德乃降夏書大禹謨篇邁過也種衆也言臯陶有過衆

人之德乃為人降服姑務脩德以待時乎秋師還君子是以

善魯莊公善其不伐齊而罪已也其勞民久役自見

○穀梁曰次止也俟待也甲午治兵出曰治兵習

戰也入曰振旅習戰也治兵而陳蔡不至矣兵事

以嚴終故曰善陳者不戰此之謂也善為國者不

師善師者不陳善陳者不戰善戰者不死善死者

不亡亡亡夫
師衆也

丙申莊九年○冬浚洙音殊在魯城北下合泗水齊伐魯之道浚深之畏齊也時公伐齊納

子糾兄齊

丁酉莊十年春王正月公敗齊師桓于長勺音抄魯地二月

公侵宋閔

十年春齊師伐我公將戰曹劌請見劌音貴魯人其鄉

人曰肉食者謀之又何間焉也閔廁劌曰肉食者鄙

未能遠謀乃入見問何以戰公曰衣食所安弗敢

專也必以分人安謂意所便處也對曰小惠未徧民弗從

也公曰犧牲玉帛弗敢加也必以信下敢飭辭增加實告神

對曰小信未孚神弗福也公曰小大之獄雖不能

察必以情

必盡實心於獄

對曰忠之屬也可以一戰戰則

請從公與之乘

與之同乘車

戰于長勺公將鼓之蒧曰

未可齊人三鼓蒧曰

可矣齊師敗績公將馳之蒧

曰未可下視其轍登軾而望之曰可矣遂逐齊師

既克公問其故對曰夫戰勇氣也一鼓作氣再而

衰三而竭彼竭我盈故克之夫大國難測也懼有

伏焉吾視其轍亂望其旗靡

靡分散也

故逐之

○穀梁曰不日疑戰也

言不克日而戰以詐相襲

疑戰而曰敗

勝內也

勝在內

二月公侵宋侵時此其月何也不深

其怨於齊。又退侵宋以衆其敵。惡之故。謹而月之。

○夏六月。齊師宋師次于郎。公敗宋師于乘丘。齊去聲

夏六月。齊師宋師次于郎。郎魯邑。單州。魯莒縣有。郎即齊報長勺。朱報

公侵大者疑而不敢進。師出無名而肆報復之私也。公子偃曰。宋師不整。可

敗也。宋敗齊必還。請擊之。公弗許。自雩門竊出。雩門

魯南城門。蒙臯比而先犯之。臯比虎皮也。公從之。大敗

宋師于乘丘。魯地。齊師乃還。

戊戌十有一年春。王正月。夏五月。戊寅。公敗宋師于

鄆。晉音。茲

十一年夏。宋爲乘丘之役。故侵我。公禦之。宋師朱

陳而薄之敗諸鄆也。凡師敵未陳曰敗某師。皆陳

曰戰。大崩曰敗績。師徒撓敗若沮岸崩山曰得雋。曰

克。人偽才力過人絕異也。覆而敗之曰取某師。謂兵四合若羅網所掩覆一軍

皆見禽制如皇瑗取鄭師京師敗曰王師敗績于

某。

已亥莊十二年夏四月

庚子莊十三年秋七月冬公會齊侯盟于柯。齊地齊北東阿齊之柯邑

冬盟于柯始及齊平也。胡氏曰魯於懷公有不共戴天之讐當其身則不能

報謝惠敬然不在後嗣故柯之盟公與桓公皆書其爵按桓非襄之子詳傳義似止言納糾以後然

○公羊曰何以不曰易也。易不難也親信其易柰無後患之辭

何桓之盟不日其會不致信之也其不日何以始

乎此莊公將會乎桓即曹曹子進曰刺君之意何如

莊公曰寡人之生則不若死矣齊強曹弱數為困辱曹子曰

然則君請當其君臣請當其臣當猶敵也莊公曰諾于

是會乎桓莊公升壇曹子手劍而從之隨莊公上壇造桓公

前而管子進曰君何求乎曹子曰城壞壓境君不

圖與壓猶臨也逼迫意言魯弱遭兵伐深入城邑敗壞而壓逼竟齊當為魯謀也管子

曰然則君將何求曹子曰願請汶陽之田魯地為齊侵者

復之以管子顧曰君許諾桓公曰諾曹子請盟桓

公下與之盟已盟曹子標劍而去之標時消也要盟可

犯而桓公不欺曹子可讐而桓公不怨桓公之信著乎天下自柯之盟始焉

壬寅莊十五年

○夏夫人姜氏如齊

文姜不齊八年桓公求魯好以定霸故復如

○冬十月

癸卯

十有六年春王正月

甲辰莊十七年

○冬多麋

乙巳

十有八年春王三月日有食之

○穀梁曰不言日不言朔夜食也何以知其夜食

也曰王者朝日

王制天子玄冕而朝日於東門之外故曰始出而有虧傷之處是以

知其夜食故雖為天子必有尊也貴為諸侯必有長也

故天子朝日諸侯朝朔

夏公追戎于濟西

濟水之西

秋有蜚

音或短狐也含沙射人三足如鼈亦名射

工冬十月

夏公追戎于濟西不言其來諱之也

耻不知其至

秋有

蜚爲災也

丙午

十有九年春王正月夏四月秋公子結媵陳人

之婦于鄆遂及齊侯

桓

宋公

桓

盟

○公羊曰媵者何諸侯娶一國則二國往媵之以

姪娣從姪者何兄之子也娣者何弟也諸侯一聘

九女諸侯不再娶媵不書此何以書爲其有遂事

書大夫無遂事此其言遂何聘禮大夫受命不受

辭出竟有可以安社稷利國家者則專之可也按

衛地陳侯娶于衛魯同姓國當往媵衛女不稱陳

夫人者禮在塗稱婦結本受命往媵至鄆國齊宋

盟遂矯命專盟失陳好又輕二國故冬來伐書遂

以貶之公羊謂受命不受辭謂一事本有此命得

以便宜從事特不受專對辭而引

以終此本命媵婦解命盟者非也

夫人姜氏如莒非父母國往書姦冬齊人宋人陳人

伐我西鄙

丁未二十年春王二月夫人姜氏如莒○秋七月

戊申二十有一年春王正月○秋七月戊戌夫人姜

氏薨

已酉二十有二年春王正月肆大青肆縱也青災青

莊遇失也大青而

葬之其癸丑葬我小君文姜婦入之謚從夫以謚配

失可知桓者得罪於先君也自是魯皆○夏五月春秋未有不復葬於

效尤九夫人之死皆別立謚時此蓋下文有秋七月丙申及齊高侯盟于防侯齊

脫事或差訛耳大夫來議結昏不冬公如齊納幣

○穀梁曰納幣大夫之禮也禮有納采納采有納幣納幣

用鴈者取順有問名問女之名將歸卜其有納幣納幣

陰陽往來有問名問女之名將歸卜其有納幣納幣

徵成也納幣以成婚諸侯謂之有告期告期四者備而後娶

納幣以其幣多故指幣言之有告期告期四者備而後娶

禮也公之親納幣非禮也故譏之禮也二十有三年春公至自齊祭叔來聘祭叔來聘

庚戌莊二十有三年春公至自齊祭叔來聘祭叔來聘

外交故不與使夏公如齊觀社齊因祀社竟軍實以序公至

自齊。

二十三年夏公如齊觀社非禮也曹劌諫曰不可

夫禮所以整民也故會以訓上下之則制財用之

節謂會以教諸侯尊卑之法貢賦之數朝以正班爵之義師長幼之

序朝以正諸侯五等爵先後之宜爵同者則以齒為先後征伐以討其不然

不朝不朝則討之會會之禮諸侯有王有述職王有巡特巡諸侯以

大習之大習朝非是君不舉矣君舉必書書而不

法後嗣何觀。

○穀梁曰常事曰視非常曰觀觀無事之辭也以

是為尸女也。無事不出竟。

尸主也。主為女往爾盛其車以盡其心要其從。

已謂公是行在必得哀美也以觀社為辭。

○公及齊侯。

桓

遇于穀。

齊地。

蕭叔朝公。

蕭本宋邑。

宋桓公之立蕭叔大。

心有功焉。宋人封以為附庸。叔君之字也。在秋丹桓齊之穀。朝公不於朝非正也。故不言其來朝。

宮楹。○十有二月甲寅公會齊侯盟于亳。

齊地。杜預鄭地。

陽卷縣西北程氏曰過於穀盟于亳微要結姻好也。

辛亥二十有四年春王三月刻桓宮桷。

秋丹桓宮之楹。

楹柱也。

二十四年春刻其桷。

刻鏤也。桷椽也。

將逆夫人故為盛誇誇示之。

皆非禮也。御孫諫曰。臣聞之。儉德

之共也。

共音恭。

謂小處。

侈惡之大也。先君有共德而君

納諸大惡。無乃不可乎。

○穀梁曰：秋，丹桓公楹。禮，天子諸侯黝堊。范氏曰：黝，堊黑。

色也。按黝，黑色。堊，白土，謂淺黑色也。大夫倉士黹。也。口切。丹，楹，非禮。

也。二十有四年春，王三月，刻桓宮桷。禮，天子之桷

斲之，龍箚之，加密石焉。以細石磨之。諸侯之桷，斲之，龍箚之。

大夫斲之，士斲本，刻桷非正也。夫人所以崇宗廟

也，取非禮與非正而加之於宗廟，以飭夫人非正

也。刻桓宮桷，丹桓宮楹，斥言桓公以惡莊也。桓見殺于

齊而飭其宗廟以榮魯國之女惡莊不子。

○夏公如齊，逆女。秋，公至自齊。八月丁丑，夫人姜氏

入戊寅大夫宗婦覲用幣

秋哀姜至

哀謚也齊襄公之女

公使宗婦覲用幣非禮也

宗婦

同宗大夫之婦覲以私禮見也禮夫人至大夫御郊迎明日執幣以見大夫見於宗廟婦見於內御

孫曰男贄大者玉帛小者禽鳥以章物也

公侯伯子男執

玉諸侯世子附庸孤卿執帛卿執羔取其群而不失其類大夫執鴈取其侯時而行士執雉取其守介而死不失節庶人執鵷取其不飛還物類也凡此皆以明其類之差等

女贄不過榛

栗棗脩以告虔也

榛似栗而小脩脯加姜桂者也虔敬也女職在中饋故但以所

治之飲食以告敬猶以栗取其職在中饋故但以所起脩取其自脩榛聲近虔取其虔於事恐非

今

男女同贄是無別也男女之別國之大節也而由

夫人亂之無乃不可乎

○穀梁曰親迎恒事也不志此其志何也不正其

親迎於齊也秋公至自齊迎者行見諸舍見諸先

至非正也舍止也諸語解八月丁丑夫人姜氏入入者內

弗受也日入惡入者也何用不受也以宗廟弗受

也其以宗廟弗受何也娶仇人子弟以薦舍於前

其義不可受也薦進舍置也戊寅夫人宗婦覲用幣覲

見也禮大夫不見夫人不言及不正其行婦道故

列數之也不書及宗婦男子之贄羔鴈雉牯牯乾雉也士冬用雉

夏用牯婦人之贄棗栗脰脩用幣非禮也用者不

宜用者也大夫國體也而行婦道惡之故謹而

之也

大水○郭公

關說也胡云或以為郭亡齊桓公之郭

惡也公曰君子之言乃賢君也何至於亡父老

曰郭公善善不能用惡惡不能去所以亡也

壬子

二十有五年春陳侯

宣

使女叔來聘

女音汝氏也叔字也

仲即原

二十五年春陳女叔來聘始結陳好也嘉之故不

名

○六月辛未朔日有食之鼓用牲于社

杜云辛未實七月朔置閏

失所故致月錯

夏六月辛未朔日有食之鼓用牲于社非常也唯

正月之朔慫未作

正月謂夏四月建巳正陽之月六陽用事陰慫未作也於周為

六月今六月而復言唯者辛未實七月朔也

日有食之於是乎用幣于

社伐鼓于朝

社陰神也日食則陰勝陽天子尊故鼓于社責陰神諸侯卑鼓於朝以自

責用幣于社以請神今不鼓於朝而鼓社不用幣而用牲又非其時故譏之

○公羊曰日食則曷為鼓用牲于社求乎陰之道

也以朱絲營社或曰脅之或曰為闇恐人犯之故

營之

朱絲赤繩也營環遠也或以陰勝陽故以南方陽色物圖以脅之抑陰助陽也或以日食

昏闇恐人犯社故營之以尊敬社求陰以免侵陽也

○穀梁曰言日言朔食正朔也鼓禮也用牲非禮

也天子救日置五麾陳五兵五鼓

麾旌幡也五兵矛戟戟楯也

諸侯置三麾陳三鼓三兵大夫擊門士擊柝言克其陽也

○秋大水鼓用牲于社于門門國也冬公子友如陳註杜

聘女叔聘

秋大水鼓用牲于社于門亦非常也凡天災有幣無牲非日月之青不鼓

癸丑二十有六年春公伐戎夏公至自伐戎為迫於齊西之

耻故報怨伐之○冬十有二月癸亥朔日有食之

甲寅莊二○秋公子友如陳葬原仲十七年

秋公子友如陳葬原仲非禮也原仲季友之舊也

乙卯莊二
十八年
微子卿築
創作邑也

○冬築郿音眉魯下邑公數作微謂帝乙子封于微東平壽張縣西北有

築郿非都也凡邑有宗廟先君之主曰都無曰邑

邑曰築都曰城此傳舊在告經後今依經

大無麥禾公羊曰冬既見無麥禾矣易為先言築微而後言無麥禾諱以去年造邑也麥熟在

夏禾成在秋而書於冬者莊公惟宮室臺榭是飭有司歲秋會計知倉廩竭也臧孫辰告糴

于齊不言如齊者其情急也

冬飢臧孫辰告糴于齊禮也

○穀梁曰國無三年之畜曰國非其國也一年不

升告糴諸侯告請也糴糴也不正故舉臧孫辰以

為私行也。

為內諱故不稱使使若私行

國無九年之畜曰不足。

無六年之畜曰急。無三年之畜曰國非其國也。諸

侯無粟。諸侯相歸粟。正也。臧孫辰告糴于齊。告然

後與之言內之無外交也。古者稅什一。豐年補敗。

不外求而上下皆足也。雖累凶年民弗病也。一年

不艾而百姓飢。

艾獲也

君子非之不言。如為內諱也。

丙辰莊

二十有九年春新延廐。

馬之所處謂之廐。延廐名也。養馬欲其富故以

延長名也

二十九年春新作延廐。書不時也。凡馬日中而出。

日中而入。

日中謂日不長不短而與夜停。春秋分也。春分牧于外。桐秋分牧于內。廐春

作廡非時也

○穀梁曰延廡者法廡也其言新有故也有故則何為書也古之君人者必時視民之所勤民勤於力則功築罕民勤於財則貢賦少民勤於食則百事廢矣冬築微春新延廡以其用民力為已悉矣

○秋有蜚○城諸及防諸防皆魯邑名諸即城陽諸縣

秋有蜚為災也凡物不為災不書蜚負蟻也清口集蟻上食

花其氣臭惡冬十二月城諸及防書時也凡土功龍見

而畢務戒事也見去聲建成之月日在房故角亢晨見東方三時務畢始戒備板幹

火見而致用心為大火次角亢亥月之物心水昏晨見東方致所用板幹於作所

正而裁

水營室星也謂今十月而曰至而畢日南至陽

生故土

丁巳三十年春至正月○九月庚午朔日有食之鼓

用牲于社

戊午三十有一年春築臺于郎郎即泉臺也○築臺于薛

薛魯地○秋築臺于秦秦魯地東平苑縣西北有秦亭冬不雨築臺并解占候

一年而三勞民陰陽不和而召旱災也天人之際捷於影響書以爲縱微不恤民力者戒莊公民怨於下

天學於上而不知恤其致國亂子弑之禍不亦宜哉

○穀梁曰秋築臺于秦不正罷民三時虞山林較

澤之利且財盡則怨力盡則懟懟悲恨也君子危之故

謹而志之也。或曰：倚諸桓也。桓外無諸侯之變，內

無國事，越千里之險，北伐山戎，為燕辟地，魯外無

諸侯之變，內無國事，一年罷民三時，虞山林藪澤

之利，惡內也。護公依倚齊桓而與桓行異

己未三十有二年春，城小穀。

三十二年春，城小穀，為管仲也。杜云：或齊桓之德，故為管仲城。

孫氏以曲阜西北有小穀城，為魯地，齊別有穀在濟北，穀城縣城中，有管仲井，非小穀也。

○秋七月癸巳，公子牙卒。八月癸亥，公薨于路寢。

初，公築臺臨黨氏。音掌魯大夫見孟任。黨氏女從之，閔。公見

其美欲從之，孟任閉，不見。服云：從之言欲與通也。而以夫人言許之，割臂

盟公

以夫人許任然後仕許之制符與公盟

生子般焉。零講於梁氏。

拜習零體于梁氏

女公子觀之。

子般之妹

圉人華自墻外與之

戲。

圉人養馬者名華

子般怒使鞭之。公曰：不如殺之。是不

可。

鞭。華有力焉。能投蓋于稷門。

稷門楹城南門劉炫云投華蓋過于

稷門杜云走而自投接其屋之摘反覆門上蓋覆也俱不甚通

公疾問後於叔牙。

對曰：慶父材。

叔牙慶父同母弟桓公庶子

問於季友。對曰：臣以

死奉般。

季友莊公母弟

公曰：鄉者牙曰慶父材。成季使以

君命命僖叔待于鍼巫氏。

僖謹也季友矯君命叔牙待命于魯大夫家

使鍼季醕之。

醕鳥名椎曰運目雌曰陰諧形似鷹大如鴨毛黑喙長七八寸黃赤如金

食蛇及豫實羽有毒以盡酒飲之則死

曰：飲此則有後於魯國。不然。

死且無後飲之歸及達泉而卒建泉立叔孫氏牙立

子公孫茲為八月癸亥公薨于路寢子般即位次

于黨氏音掌

○公羊曰秋七月癸巳公子牙卒何以不稱弟殺

也殺則曷為不言刺為季子諱殺也內殺曷為為

季子諱殺季子之過惡也不以為國獄緣季子之

心而為之諱過止也國獄謂刑于市明正其罪也

而不忍致國刑故緣其心季子之過惡奈何莊公

病將死以病召季子季子至而授之以國政曰寡

人即不起此病吾將焉致乎魯國季子曰般也存

君何憂焉。公曰：庸得若是乎？牙謂我曰：魯一生一

及君已知之矣。父死子繼曰生兄死弟繼曰及言隱生桓及今君生慶父當及慶

父也存。季子曰：夫何敢是將為亂乎？夫何敢。俄而

牙弑械成。牙弑君之器械已成季子和藥而飲之曰：公子從

吾言而飲此則必可以無為天下戮矣。必有後乎

魯國不從吾言而不飲此則必為天下戮矣。必無

後乎魯國於是從其言而飲之。飲之無僇氏至乎

王堤而死。地名公子牙今將爾。辭曷為與親弑同。

君親無將將而誅焉。將如字謀欲如此而未成甫始之辭也言牙今弑械成但

將為亂而未成辭曷為與親弑君同蓋以在他人或為有可殺謀之亦可君親決無可殺之理不可謀

試若但謀弑不必已行而罪當誅之即然則善之所謂誅意法也此言牙之罪所以應誅然則善之

與曰然殺世子毋弟直稱君者甚之也季子殺母

兄何善爾誅不得辟兄君臣之義也傳以三家皆

以牙為季子毋兄此言季子所以誅之為善故不直稱名氏然則曷為不直誅

而酖之行誅乎兄隱而逃之使託若以疾死然親

親之道也行舉行也隱隱也此言酖之所以為善

冬十月己未子般卒公殺作乙未般青班公子慶父如齊

冬十月己未共仲使圉人榮賊子般于黨氏成季

奔陳立閔公共諡仲字也即慶父

○公羊曰子卒云子卒此其稱子般卒何君存稱

世子君薨稱子某。既葬稱子。踰年稱公子。子般卒。何以不書葬。未踰年之君也。有子則廟。廟則書葬。無子不廟。不廟則不書葬。

○穀梁曰。冬十月乙未。子般卒。子卒。日正也。不曰

故也。有所見則曰。

般弑故不應書日而書日者。閔公下書即位。是見繼弑者也不

待不日而顯故書日

公子慶父如齊。此奔也。其曰如何也。諱

莫如深深則隱。苟有所見莫如深也。

深謂君弑賊奔既歸又諱

也。隱謂諱之深則痛之深也。蓋以不書閔公即位可見子般之弑。慶父之奔。故深諱示痛。

閔公

名啓。方史云。名開。哀姜之姊。叔姜之子。莊公庶子。年九歲即位。在位二年。弑。謚法在

國遭難曰閔。

庚申元年春王正月

元年春不書即位亂故也

○公羊曰公何以不言即位繼弑君不言即位孰

繼繼子般也孰弑子般慶父也殺公子牙今將爾

季子不免慶父弑君何以不誅言牙未親弑君季子尚不免慶父親

弑君何不誅將而不免過惡也誅牙所以過止其惡既而不可及

因獄有所歸不探其情而誅焉親親之道也既歸獄邑

樂不探情又誅慶父所以為親親惡乎歸獄歸獄僕人鄧扈樂曷

為歸獄僕人鄧扈樂莊公存之時樂曾淫于宮中

子般執而鞭之莊公死慶父謂樂曰般之辱爾國

人莫不知盡弑之矣使弑子般然後誅鄧扈樂而

歸獄焉季子至而不變也至者聞君弑而至朝也變不更其葬之非也

○夏六月辛酉葬我君莊公秋八月公及齊侯桓盟

于落姑季子來歸冬齊仲孫來

夏六月葬莊公亂故是以緩十一月秋八月公及

齊侯盟于落姑齊地請復季友也齊侯許之使召諸

陳公次于即以待之季子來歸嘉之也國人思得季子之賢

以安社稷故書季子而冬齊仲孫湫來省難湫音

不名異其文以嘉之也書曰仲孫亦嘉之也仲孫歸曰不去

慶父魯難未已時慶父亦還魯公曰若之何而去之對曰

難不已將自斃君其待之公曰魯可取乎對曰不可猶秉周禮周禮所以本也臣聞之國將亡本必先顛而後枝葉從之魯不棄周禮未可動也君其務寧魯難而親之親有禮因重固重固安固也間攜貳覆昏亂霸王之器也

辛酉閏○夏五月乙酉吉禘于莊公

夏吉禘于莊公速也

杜云三年喪畢致新死者之主于廟廟之遠主當遷入祧

因是大祭于大廟以審昭穆稱諱也使昭穆審諱而不亂也莊公薨至此二十二月喪制未終即行吉禮又祀于寢之主而不於大廟故詳書示識

○公羊曰其言吉何言吉者未可以吉也曷爲未

可以吉未三年也三年矣曷為謂之未三年三年

之喪實以二十五月禮禘祫從先君數朝聘從今君數謂從先君死之日數之

若滿三年已後還禘則禘還祫則祫耳三年者期再期以加隆於親實二十五月而祥祭計謂二十

五月而畢是也然必問一月其言于莊公何未可而禘則樂矣共二十七月

以稱宮廟也曷為未可以稱宮廟在三年之中矣

註宮廟者鬼神居之之稱三年之中孝子當思慕哀慈未可以鬼神事之吉禘于莊公

何以書譏何譏爾譏始不三年也入春秋不三年始此

秋八月辛丑公薨九月夫人姜氏孫于邾公子慶父

出奔莒

初公傳奪卜斷田卜斷魯大夫音曩公不禁秋八月辛丑

共仲使卜齋賊公于武闈宮中小成季以僖公適

邾共仲奔莒乃入立之以賂求共仲于莒莒人歸

之及密密魯邑即邪費縣北有密如亭使公子魚請不許即奚斯哭

而往共仲曰奚斯之聲也乃縊閔公哀姜之姊叔

姜之子也故齊人立之共仲通於哀姜莊夫人僖嫡母哀

姜欲立之閔公之死也哀姜與知之故孫于邾齊

人取而殺之于夷以其尸歸夷魯地公羊作齊地是僖公請

而葬之成季之將生也桓公使卜楚丘之父卜之

卜楚丘魯曰男也其名曰友在公之右間于兩社

為公室輔魯郊門之外左有亳社右有周社朝季廷詢謀大事則在此處能政所任也

氏亡則魯不昌。又筮之遇大有䷍。離上之乾䷀。

變為乾。乾下曰同復于父敬如君所。大有乃乾宮變卦。又復乾故云父乾。

為君故敬。與君同。及生有文在其手曰友。遂以命之。○成

風聞成季之繇。乃事之而屬僖公焉。故成季立之。

成風。莊公之妻。僖公之母也。

冬齊高子來盟。

子者男子之美稱。其稱子賢之也。胡以齊本使觀魯。可取否。高子盟立僖

公而還不稱。使所以歸美於高子。按公羊謂魯無君。君臣非敵。故高子不稱。使所謂君不行使乎大夫。是也。

○公羊曰。高子者何。齊大夫也。何以不稱。使我無

君也。然則何以不名。喜之也。何喜爾。正我也。其正

我柰何。莊公死。子般弑。閔公弑。比三君死。曠年無

君設以齊取魯。魯不興師。徒以言而已矣。桓公使

高子將南陽之甲。南陽齊下邑立僖公而城魯。或曰。自

鹿門至於爭門者是也。鹿門魯南城東門也。齊亦有鹿門。樂高傳曰。又敗之。

鹿門或曰。自爭門至於吏門者是也。魯人至今以爲

美談曰。猶望高子也。喜其正我故不書名

僖公。名申。莊公子。閔公庶兄。母成風。夫人聲姜。在位三十三年。卒。謚法。小心畏忌曰僖。

壬戌元年春王正月

元年春不稱即位。公出故也。國亂身出。復入。故公即位之禮有闕。

出復入。不書諱之也。諱國惡禮也。

○公羊曰。公何以不言即位。繼弑君子不言即位。

此非子也其稱子何臣子一例也

傳雖閔之弟臣之繼君猶子之

繼父故不書即位與子繼故例同

○秋七月戊辰夫人薨于夷齊人以歸

傳見二年齊侯書人討賊

之辭也以歸歸齊也

○公羊曰夷者何齊地也齊地則其言齊人以歸

何夫人薨于夷則齊人以歸夫人薨于夷則齊人

曷為以歸桓公召而縊殺之

先言薨後言以歸而不言喪者起桓公召

夫人于邾妾歸殺之于夷因為內諱耻使若夫人自薨于夷然後齊人以歸者也

○九月公敗邾師于偃

偃公作偃邾地

九月公敗邾師于偃虛丘之戎將歸者也

虛丘邾地邾受

哀姜因戊厯立彼以逼魯既而齊取
殺之邾人惧乃歸故公要而敗之

冬十月壬午公子友帥師敗莒師于鄆公作梨谷作麗獲莒

挈女君女加二切

冬莒人來求賂還慶父之賂公子友敗諸鄆魯地獲莒子

之弟挈非卿也嘉獲之也莒既不能為魯討慶父受魯之賂而又重來求

賂無厭故嘉獲之非卿亦書公賜季友汶陽之田及費汶水出泰山萊

燕縣西南經濟北至東平須昌縣入濟陽水北也

○公羊曰莒挈者何莒大夫也莒無大夫此何以

書大季子之獲也何大乎季子之獲季子治內難

以正禦外難以正其禦外難以正柰何公子慶父

弑閔公走而之莒莒人逐之將由乎齊齊人不納

却反舍于汶水之上

汶在齊會之間

使公子奚斯入請季

子曰公子不可以入入則殺矣奚斯不忍反命於

慶父自南渚北面而哭

渚音侯水涯也

慶父聞之曰噫此

奚斯之聲也諾已曰吾不得入矣於是抗軫經而

死

軾車轅拉高自縊而死

莒人聞之曰吾已得子之賊矣以

求賂于魯魯人不與爲是興師而伐魯季子待之

以偏戰

偏一面也結日定地各俱一面鳴鼓而戰不相詐

○穀梁曰莒無大夫其曰莒挈何也以吾獲之目

之也內不言獲

獲者不與之辭

此其言獲何也惡公子之

紿也結詐

紿者柰何公子友謂莒皐白吾二人不相

說士卒何罪屏左右而相搏

屏去也搏擊也

公子處下左

右曰孟勞孟勞者魯之寶刀也公子友以殺之然

則何以惡乎紿也曰棄師之道也

棄師棄而獨闕也

十有二月丁巳夫人氏之喪至自齊

夫人弑二君幾亡國大義已絕

不可復入宗廟書至齊者譏桓公以歸魯也不書姜者許齊殺之已絕于齊言夫人氏者罪魯請之受葬于魯然則曷歸就死所葬之可也

夫人氏之喪至自齊君子以齊人殺哀姜也為已

甚矣女子從人者也

傳義謂既嫁從夫魯當討而齊不當討按天下之惡一也

况齊宗國又為盟主可以不討乎未安

○公羊曰：夫人何以不稱姜氏？貶曷為貶？與弑公

也。然則曷為不於弑焉貶？貶必於重者。莫重乎其

以喪至也。刑人于市，與衆棄之，故必於臣子集議之時，貶之，所以明誅，得其罪，以正王法。

不得以夫人禮治其喪也。貶置次者，殺子差輕於殺夫，別順逆也。

癸亥信二年○夏五月辛巳，葬我小君哀姜。姜實信之嫡母，子無妃，母

之道，故信公以○冬十月不雨。

甲子信三年春王正月不雨。夏四月不雨。○六月雨。

三年春不雨。夏六月雨。自十月不雨，至于五月不

曰旱，不為災也。

○穀梁曰：三年春王正月不雨，不雨者勤雨也。勤

勸之夏四月不雨一時言不雨者閔雨也閔憂也謂不歷

時總書而每一書之閔雨者有志乎民者也六月雨雨云

者喜雨也喜雨者有志乎民者也

乙丑僖四年八月公至自伐楚春同齊伐楚盟召陵見齊

○穀梁曰有二事偶則以後事致後事小則以先

事致其以伐楚致大伐楚也

丙寅僖五年春王正月辛亥朔日南至周正月今十一月冬至也自秋

分日行南陸至此而極將還北也公既視朔遂登觀臺以望而書禮

也視朔觀告朔于廟也觀臺臺上凡分至啓閉必

書雲物爲備故也分春秋分也至冬夏至也啓立春立夏也開立秋立冬也

○夏公孫茲如牟

小國名

○九月戊申朔日有食之

夏公孫茲如牟娶焉

叔牙子叔孫戴伯因聘而娶非禮也

丁卯

六年春王正月○冬公至自伐鄭

夏會諸侯伐鄭以其逆首

止盟

見鄭

○公子友如齊

秋與齊桓盟甯毋謀鄭故使友脩聘所以勸伯國之好也

戊辰僖七年

○秋七月禘于大廟用致夫人

秋禘而致哀姜焉非禮也

致者致新死之主於廟而列之昭穆凡夫

人不薨于寢不殯于廟不赴于同不祔于姑則弗

致也

杜云禘三年大祭哀姜薨而見殺不薨於寢不應致故僖公疑其體三禘今始行之

庚午僖九年

○秋七月乙酉伯姬卒

○公羊曰此未適人何以卒許嫁矣婦人許嫁字而笄之死則以成人之喪治之。

僖十年春王正月公如齊。公始朝齊不言至者朝桓安之與他國異也傳

例不告廟故不書至○秋七月冬大雨雪。雨去聲雪公作雹

壬申僖十一年○夏公及夫人姜氏會齊侯于陽穀。陽穀齊地夫人

聲姜齊桓之女也父在歸寧可也為會而從夫於外非禮也男女無別蓋參譏之秋八月大

雩。

癸酉十有二年春王三月庚午日有食之。○秋七月。

甲戌僖十三年○秋九月大雩。冬公子友如齊。夏會齊宋陳衛鄭許曹于

酈故使友如齊脩好

乙亥傳十四年○夏六月季姬及鄆子遇于防使鄆子來朝

鄆季姬來寧公怒止之以鄆子之不朝也鄆禹後國

在鄆鄆郡漢出東海夏遇于防而使來朝防本宋地為魯取者

丙子十有五年春王正月公如齊傳曰諸侯五年再相朝○夏

五月日有食之

夏五月日有食之不書朔與日官失之也官天子日官以

底日者與桓十七年同言由其失占故不書某朔

○八月螽九月公至自會三月會壯季姬歸于鄆鄆子

既朝謝魯故方使歸已卯晦震夷伯之廟晦朔晦之晦震者雷電擊其廟也

震夷伯之廟罪之也於是展氏有隱慝焉夷伯乃展無諫

之父公子展之子夷謚伯字也大夫既卒不名惡
惡也言天震夷伯廟以罪之者蓋以展氏有隱惡
惡非人所見故
震其廟以彰之

○穀梁曰晦冥也震雷也夷伯魯大夫也因此以

見天子至于士皆有廟天子七廟與三昭三穆諸侯

五與二昭二穆大夫三與一昭一穆士二祭法謂適士

考廟曰王考廟先儒皆不明言毀否竊意此自始

初而言若三代以後則王考廟為大祖不遷考廟

則遷于祧故下文故德厚者流光德薄者流卑猶

遠也如天子德厚流澤遠及七世是以貴始德之

本也始封必為祖始謂始受封者所以貴之者言

繼位而已矣故始封之君必為祖不致位子孫不過

乃大夫有廟可見禮上下皆有廟但有降殺始封

者同一為祖不毀非
有褒貶義舊註非

丁丑僖十六年○三月壬申公子季友卒孫行父嗣為季孫氏胡氏曰季字友

名也大夫卒而書名則曷為稱字春秋時魯卿季友仲遂生而賜氏命為世卿經於其卒各以氏書者誌

變法亂紀之端貽權臣竊命之禍也夏四月丙申鄆季姬卒秋七月甲

子公孫茲卒叔牙子叔孫戴伯也

戊寅僖十七年○夏滅項秋夫人姜氏會齊侯于卞九月公

至自會不書取而曰滅者季孫為之非公命故不詳也

師滅項項子爵或云姬姓故城在陳州項城縣東北一里杜云汝陰項縣淮之會

在去年十月二月見齊公有諸侯之事未竟而取項齊人以為

討而止公秋聲姜以公故會齊侯于卞聲姜僖公夫人齊桓

女下魯九月公至書曰至自會猶有諸侯之事焉

且諱之也耻見執故託會以告廟

辛巳二十年春新作南門胡云言新者有故也言作者創始也其曰南門者南

非一門也魯庫門似天子皋門魯雉門似天子應門書之譏用民力於所不當為也

二十年春新作南門書不時也凡啓塞從時門戶

之屬為啓城郭牆塹之屬為塞

夏郕子來朝郕有二桓二年取郕大暴北郕也在單州成武北郕子南郕也姬姓國單州有

二郕五月乙巳西宮災何氏以禮夫人居中宮少在前右媵居西宮左媵居東宮

少在後

○公羊曰西宮者何小寢也小寢則曷為謂之西

宮有西宮則有東宮矣魯子曰魯子者魯國表以人非止子夏也

有西宮亦知諸侯之有三宮也西宮災何以書記

異也

壬午倍二
十一年 ○夏大旱

夏天旱公欲焚巫尪巫女巫主祈禱請雨者尪瘠病之人面向上按擅弓歲旱

穆公召縣子而問然曰天久不雨吾欲暴尪而奚

若曰天則不雨而暴人之疾子雲毋乃不可與然

則吾欲暴巫而奚若曰天則不雨而望之愚婦人

於以求之毋乃已疏乎則欲焚之者蓋以巫或不

懇請雨或天惡其人不雨故下文云天欲殺之若能

為旱杜謂天恐雨

臧文仲曰

名辰臧孫達孫

非旱

備也修城郭貶食省用務穡勸分此其務也

猶儉

勸分分所無有濟所無巫尪何為天欲殺之則如勿生若能為

旱焚之滋甚言若天旱為此等人欲殺之則天不

焚之結怨於彼為旱尤甚公從之是歲也饑而不害不傷害民

○冬公伐邾

任宿須句句其俱反顓臾風姓也一本作皆風姓

城宿在東平無盜縣隸鄆州須句子爵國杜云在東平須句縣西北鄭云在鄆州壽張縣西北有須

胸城顓臾城在費縣西北八十里杜云在泰山南武陽縣東北四國皆伏羲後風姓實司大

皐與有濟之祀大皐即伏羲也四國皆近濟故世紀之以服事諸夏

邾人滅須句須句子來奔因成風也成風僖公成母須句女

風為之言於公曰崇明祀保小寡周禮也蠻夷猾

夏周禍也

也。猶亂。

若封湏句，是崇皞濟而脩祀紆禍

也。

尊大皞有濟而脩周明祀之禮。警蠻夷而解紆周禍夏之禍。

癸未。

二十有二年春，公伐邾，取湏句。

句公作胸。

二十二年春，伐邾，取湏句。及其君焉，禮也。

○秋八月丁未，及邾人戰于升陘。

陘，音刑。不言公而書及，不言敗，皆諱也。

也。耻。

邾人以湏句故，出師公卑邾，不設備而禦之。臧文

仲曰：「國無小，不可易也。」

邾雖小，不可卑。

無備，雖衆不可恃

也。

魯雖大，不可不設備。

詩曰：「戰戰兢兢，如臨深淵，如履薄冰。」

小雅。是詩戰戰兢兢，恐也。兢兢，戒也。臨，臨也。淵，深也。履，履也。薄，薄也。

又曰：「敬之敬之。」

天維顯思命不易哉

周頌敬之詩顯明也思語詞言敬而又敬天道甚明命為

難保引此以言難

先王之明德猶無不難也無不懼也况

我小國乎君其無謂邾小蠶蠆有毒而况國乎弗

聽八月丁未公及邾師戰于升陘

一本作登陘魯地

我師

敗績邾人獲公胄縣諸魚門

魚門在首者邾城門

乙酉

二十有四年春王正月○秋七月

丙戌信二

○冬十有二月癸亥公會衛子莒慶盟于

洮

衛成公稱子莒未踰年也莒慶莒大夫

衛人平莒于我

以元年獲莒擊怨魯

十二月盟于洮

洮水出西羗中

北至抱罕東入河曹地後為魯取者

脩衛文公之好

文公欲平未及而卒成公迫成

父志且及莒平也。

丁亥二十有六年春王正月己未公會莒子衛甯速

盟于向。

二十六年春王正月公會莒茲平公甯莊子盟于

向。

茲平時君之說莒夷無謚以號為稱莊子即速衛大夫也向莒地

尋洮之盟也

齊人侵我西鄙公追齊師至鄆弗及

鄆公作焉齊地在濟北穀城縣

西有地名鄆下弗傳作不書人書侵罪齊也書至鄆弗及譏深入也

夏齊人伐我北鄙

衛人伐齊。

齊師侵我西鄙討是二盟也

齊孝公欲繼伯以夏衛莒背已為是盟

齊孝公伐我北鄙衛人伐齊洮之盟故也公使展

喜犒師使受命于展禽

展喜魯大夫犒師之軍也展禽即柳下惠展無駟之子

齊侯未入境展喜從之曰寡君聞君親舉玉趾將

辱于敝邑使下臣犒執事齊侯曰魯人恐乎對曰

小人恐矣君子則否齊侯曰室如縣磬

謂倉庫空虛止存糧

棟如縣磬虞

野無青草

謂禾稼不成

何恃而不恐對曰恃先

王之命昔周公大公安肱周室夾輔成王成王勞

之而賜之盟曰世世子孫無相害也載在盟府大

師職之

杜云大公為大師兼主司盟之官今按桓此只言其書在周盟府周大師主之也

公是以糾合諸侯而謀其不協彌縫其闕而匡救

其災昭舊職也及君即位諸侯之望曰其率桓之

功我敝邑用不敢保聚

聚衆曰保守

曰豈其嗣世九年而

棄命廢職其若先王何君必不然恃此不恐齊師

乃還

公子遂如楚乞師

東門襄仲

莊公

臧文仲如楚乞師臧孫見子玉而

道之伐齊宋以其不臣也

宋成公欲叛楚即晉齊不服楚故道以伐之杜

云不臣事周室

○公羊曰乞者何卑辭也曷爲以外內同若辭重

師也曷爲重師師出不正反戰不正勝也

正期必也反不

可知勝不可知重人之死故於魯亦言乞

○公以楚師伐齊取穀公至自伐齊

公以楚師伐齊取穀凡師能左右之曰以左右謂進退在

已齊寘桓公子雍於穀雍與孝公爭立故寘之以偏齊易牙奉之易牙

臣齊以為魯援楚申公叔侯戍之

已丑僖二十八年○公子遂如齊齊昭公初立聘以講好釋前取穀慙

僖寅二十有九年春介葛盧來不稱朝不能行朝禮也

二十九年春介葛盧來朝介東夷國在城陽黔舍

于昌衍之上魯地名魯縣東南有昌平城公在會會晉于溫遂

饋之芻米禮也

公至自圍許○秋大雨雹冬介葛盧來

秋大雨雹為災也冬介葛盧來以未見公故復來

朝禮之加燕好燕禮也介葛盧聞牛鳴曰是生

三犧皆用之矣其音云問之而信

辛卯三十年春王正月○介人侵蕭蕭宋附庸國張氏以介再朝魯

而遂侵蕭求援而後舉兵也冬天王襄使宰周公來聘以三公兼冢宰公

子遂如京師遂如晉

冬王使周公閱來聘饗有昌歜歜祖感切昌歜葛藟也白黑

白熟稻黑熟黍形鹽鹽形辭曰國君文足昭也武可畏也

則有備物之饗以象其德薦五味謂昌羞嘉穀謂白

黑二者象其文鹽虎形謂形鹽象其武以獻其功獻呈見推吾何

以堪之東門襄仲將聘於周遂初聘于晉公既命襄仲聘

周未行故曰將又命自周聘晉故曰遂自入春秋始聘晉故曰初

壬辰三十有一年春取濟西田公子遂如晉濟水自

過魯之西至樂安入海濟西田本魯地故不繫國傳制不用師徒故曰取

三十一年春取濟西田分曹地也二十八年晉文政楚討曹班其

所侵地使臧文仲往宿於重館高平方與縣西北有重鄉城重

館人告曰晉新得諸侯必親其共音恭不速行將無

及也從之分曹地自洮以南東傳於濟盡曹地也

襄仲如晉拜曹田也

夏四月卜郊不從乃免牲猶三望杜云三望分野之望國中山川

王氏泰山在魯西海在魯東河在魯北天子四望魯殺天子故三望成王賜魯重禮故河海不在封內而亦祭之然郊秋七月望皆非得為

夏四月四卜郊不從乃免牲非禮也猶三望亦非

禮也禮不卜常祀而卜其牲日牛卜日曰牲牲成

而卜郊上怠慢也禮時祀不卜但卜祀日定三月前預養牲故牛卜日後方謂之

牲今四月牲成方卜祀郊日故為怠慢按禮帝牛不吉以為稷牛帝牛必在滌三月則牛亦卜今止

言卜日者就經卜郊言也此言四月卜郊免牲非禮望郊之細也不郊亦無

望可也望因郊天望而祭之故望為郊之末事此言猶三望非禮

○公羊曰曷為或言三卜或言四卜三卜禮也四

卜非禮也三卜何以禮四卜何以非禮求吉之道

左傳卷之二十一

三禘嘗不卜郊何以卜卜郊非禮也卜郊何以非

禮魯郊非禮也魯郊何以非禮天子祭天諸侯祭

土也社天子有方望之事無所不通諸侯山川有不

在其封內者則不祭也方望謂郊時所望祭四方

五岳四瀆及餘山川凡三十六所盡四方故曰曷

為或言免牲或言免牛免牲禮也免牲禮也

使有司玄端放之於南郊天位歸之於陽也明本

為天不敢留天牲免牛亦然凡不郊者卜免牲吉

則免之若不吉則但不郊而已不免牛非禮也免

牛何以非禮傷者曰牛養牲不謹有災傷不得復

三望者何望祭也然則曷祭祭泰山河海曷為祭

泰山河海山川有能潤于百里者天子秩而祭之

秩隨大小而牲幣祝號有次第也如五岳視三公四瀆視諸侯其餘視子男也觸石而出

膚寸而合不崇朝而遍雨乎天下者惟泰山耳

指曰膚崇朝終朝也言雲觸石由小河海潤於千

里潤謂蒸為雨澤疏導灌猶者何通可以已也

也何以書譏不郊而望祭也

癸巳三十有二年春王正月

甲午僖三○齊侯昭使國歸父來聘報二十八年

齊國莊子來聘之仲自郊勞以至於贈賄禮成而

加之以敏迎來曰郊勞臧文仲言於公曰國子為

政齊猶有禮君其朝焉臣聞之服於有禮社稷之
衛也

○公伐邾取訾婁秋公子遂帥師伐邾殺作訾樓邾邑也○

冬十月公如齊十有二月公至自齊乙巳公薨于小
寢隕霜不殺草李梅實。

公伐邾取訾婁以報升陘之役在二十二年邾人不設

備秋襄仲復伐邾○冬公如齊朝且弔有狄師也

時狄因晉文喪侵齊反薨于小寢即安也王宮六寢路寢一

宮蓋降其王路寢治事之所小寢燕息之地不于路寢故口即安

○穀梁曰隕霜不殺草未可殺而殺舉重也可殺

而不殺舉輕也輕指草言草尚李梅實實之為言

猶實也

文公

名興僖公子母聲姜夫人出姜在位十八年卒諡法慈惠愛民曰文

乙未元年春王正月公即位二月癸亥日有食之天

王使叔服來會葬

公日上有朔字叔氏服字諸侯喪天子使大夫會葬禮也

元年春王使內史叔服來會葬公孫敖聞其能相

人也

款即穆伯慶父子

見其二子焉叔服曰穀也食子

即長

子文伯也食謂養生也

難也收子

即次子惠伯收聞死也

穀也豐下必

有後於魯國

豐下杜註

於是閏三月非禮也

杜云於歷

法閏當僖公末年誤於今年三月置閏今按非禮者非謂三月不可閏但議下合置閏而置閏是不

歸餘於終也下先王之正時也履端於始行於天

文因論曆法猶人之行步故推曆謂之步履并三百六十六日又六

月得二氣推時之端於始不必舉正於中舉時之

在其月如立春為正月節是也正氣於

月中必當其月蓋中氣只在本月若積而在月歸

終其後月便當置閏如雨水為正月月中是也

餘於終歲常數三百六十日月常數三十日二氣

必三十日零五時二刻始交後月節氣然

月與日會止得二十九日零四分五十九分六

時三刻弱不盡四百四十一分五時五刻強以

此五時五刻強又通前氣溢五時二刻是皆時之

餘者積而為閏曆家以月不盡者為朔虛一歲計

少五日零五百九十二分為七時四刻強以氣溢

者為氣盈一歲計多五日零二百三十五分為三

時弱合虛盈一歲通計得十日零十時四刻強以

置閏九百四十分為一日七十八分半弱為一時

也履端於始序則不愆四時之序舉正於中民則

無過失

不惑

謂後之月中氣在朔則半朔月月初已指所建之辰周前之月中氣在晦則半朔月未方指

所建之辰故舉月之正氣於中則半朔常不失其所指之次如是乃得寒暑不失其常而民不惑

歸餘于終事則不悖

事終類悖逆亂也歸餘氣盡則生長收藏得其正故事

不悖也

夏四月丁巳葬我君僖公天王使毛伯來錫公命○

叔孫得臣如京師

夏四月丁巳葬僖公王使毛伯衛來錫公命

毛國伯爵

衛名也諸侯為王制士者錫賜也命命服命圭璧也

叔孫得臣如周拜

莊

叔孫

○公孫敖如齊

孔氏曰未葬雖踰年不得命臣出使此時僖公既葬

穆伯如齊始聘焉禮也凡君即位卿出並聘踐脩舊好要結外援好事鄰國以衛社稷忠信卑讓之道也忠德之正也信德之固也卑讓德之基也

人君雖諒闇以社稷為重得行吉禮以其非為己故不譏

丙申文○丁丑作僖公主公薨十有五

葬僖公緩作主非禮也杜以葬僖公緩為句分為二事與下不合今按緩作

主為凡君薨卒哭而祔祔而作主特祀於主烝嘗

掃於廟主者神所憑依其狀正方穿中央達四方

左主八寸右主八寸廣厚三寸若祭訖則內於西

壁壝中去地一尺六寸右主謂父左主謂母也如

諸侯五月而葬間一月卒哭此時告新主當入祖

廟次日奉主入廟而并告祖當遷他廟畢事新主

復于寢三年喪畢遇四時吉祭而後奉新主入廟此周禮也此時作主如小祥大祥禫特祀者止就寢布几筵祀此主若烝嘗禘之特祭則不於寢而入大廟合祭按王制諸侯禘祫禘一祫一祫祫而烝祫註云祫祭者各於其廟祫者群廟之主皆升而合食於太祖之廟毀廟之主不與焉但不知此主遷于大廟否耳此傳舊

○丁丑作僖公主書不

時也

○穀梁曰作爲也爲僖公主也立主喪主於虞吉

主於練作僖公主譏其後也作主壞廟有時日於

練焉壞廟壞廟之道易檐可也改塗可也

安神其祭天子九諸侯七卿大夫五士三作主於墓不終日而虞祭虞主用桑桑猶喪也取其名與其稱稱所以副孝子心其主不文期年小祥易練冠練祭練主用栗用栗者藏主也遂理虞主於兩

階之間以栗易之取其戰慄也其主刻而謚之然此殷禮也檀弓云殷既練而拊周卒哭而拊則當從左氏楊士勛曰作主在十三月壞廟在三年喪終而傳連言之非同時也

三月乙巳及晉襄處父盟○自十有二月不雨至于

秋七月

晉人以公不朝來討公如晉夏四月己巳晉人使

陽處父盟公以耻之經作乙巳必有一誤書曰及晉處父盟

以厭之也厭損處父不使與敵故不書氏適晉不書諱之也

○穀梁曰歷時而言不雨文不憂雨也不憂雨者

無志乎民也

八月丁卯大事于太廟躋僖公大事先儒取公羊以為禘魯為大社以爲禘魯

語以為祭
躋升也

秋八月丁卯大事于大廟躋僖公逆祀也兄僖維為

然舜為臣義猶父子廟坐宜於是夏父弗忌為宗

伯宗伯掌宗廟尊僖公且明見曰吾見新鬼大故

鬼小先大後小順也杜以大小為兄弟今按下文

謂文公視閔則躋聖賢明也以僖為聖賢則父小

也君子以為失禮禮無不順祀國之大事也而逆

之可謂禮乎子雖齊聖不先父食父矣齊肅也聖

故禹不先鯀湯不先契文武不先不窋禹乃鯀之子湯乃契

十四世孫文武乃不窋十四十五朱祖帝乙鄭祖

世孫此言子孫齊聖不先父祖

厲王猶上祖也

萬帝乙乃宋始封微子父周厲王乃鄭始封桓公祖宋鄭不以爲不

肖猶尊上之以爲祖此言父祖不肖不可下子孫二節明舊繼罔猶子繼父申上不可躋聖賢是

以魯頌曰春秋匪懈享祀不忒皇皇后帝皇祖后

稷君子曰禮謂其后稷親而先帝也

祀不差或即

稷春秋錯舉四時也或過差也皇皇美也詩曰問我諸姑遂及伯姊君

子曰禮謂其姊親而先姑也

引二詩明傳雖文之

上申上不可仲尼曰臧文仲其不仁者三不知者

三下展禽

文仲知柳下惠之賢廢六關塞關陽關

所以禁

妾織蒲

家人織席三不仁也作虛器謂居

稅節藻

縱逆祀

齊僖公祀爰居仲命祀之三不知

也

○公羊曰大事者何大禘也大禘者何合祭也其

合祭柰何毀廟之主陳于太祖未毀廟之主皆升

合食于太祖五年而再殷祭殷盛也謂三年禘五

者功臣皆祭也禘合也禘禘也躋者何升也何言乎升僖公譏何

譏爾逆祀也其逆祀柰何先禰而後祖也

○穀梁曰大事者何大是事也著禘嘗禘合也禘

祭者毀廟之主陳于太祖未毀廟之主皆升合祭

于太祖躋升也先親而後祖也逆祀也逆祀則是

無昭穆也無昭穆則是無祖也無祖則無天也故

曰。文無天。無天者。是無天而行也。君子不以親親害尊尊。此春秋之義也。

○公子遂如齊納幣。

襄仲如齊納幣。禮也。凡君即位。好舅甥。脩婚姻。娶

元妃。以奉粢盛。孝也。孝。禮之始也。元妃適夫人也。

○公羊曰。納幣不書。此何以書。譏何。譏爾。譏喪娶

也。娶在三年之外。則何譏乎。喪娶三年之內。不圖

婚。僖以十二月薨。至此未滿二十五月。娶雖在明年。三年外然。此納幣圖婚。則在三年內。故譏之。

吉。禘于莊。公譏然。則曷爲不於祭焉。譏。言大事于大廟。亦是

從吉不三年何以三年之恩疾矣。非虛加之也。疾下譏而弔。譏喪娶。

也非虛加責之以人心為皆有之以人心為皆有之則曷

為獨於娶焉譏娶者大吉也非常吉也其為吉者

主於己以為有人心焉者則宜於此焉變矣言娶大吉

與大事祭尋常吉異蓋以祭之吉尚為宗廟娶之吉則主於己身主于己者可以改變而不為也今

不變而納幣是無人心三年之恩故譏之

丁酉文○冬公如晉十有二月己巳公及晉侯襄盟

晉人懼其無禮於公也請改盟公如晉及晉侯盟

晉侯饗公賦菁菁者莪小雅篇名取既見君子樂且有儀莊叔以

公降拜曰小國受命於大國敢不愼儀君貺之以

大禮何樂如之却小國之樂大國之惠也晉侯降

辭登成拜公賦嘉樂

大雅篇名取顯顯令德宜民宜人受祿于天

戊戌

四年春公至自晉夏逆婦姜于齊

傳謂卿不行非禮者竊意

詩曰之子于歸百兩成之謂百兩迎送之而成婚姻之禮也夫婚禮不備則貞女不苟行今魯禮苟簡故不書氏以貶夫人之苟行也不書逆者不書夫人不書至貶公不以夫人之禮逆之也

逆婦姜于齊卿不行非禮也

禮諸侯有故則使卿逆不書其人則必微

者非知也君子是以知出姜之不允於魯也

文公薨而見出故曰

出姜允信也信其為夫人也

曰貴聘而賤逆之君而卑之

君小若也

指夫立而廢之

立謂已立為小君也指公言棄信此二句皆蒙上貴聘賤逆

棄信

而壞其主

主內主也棄信謂立而廢之壞主謂若而卑之

在國必亂在家

必亡不允宜哉詩曰畏天之威于時保之敬主之

謂也

詩周頌我將篇時是也引以明畏主之威然終主能保守其位也

○冬十有一月壬寅夫人風氏薨

赴同柩姑故稱夫人然妾母稱夫人

自是嫡妾亂矣

冬成風薨

僖公母莊公妾

已亥

五年春王正月王使榮叔歸含且賵

榮采地叔字周大夫

含口實之珠王賵助葬之車馬

三月辛亥葬我小君成風王使召伯

來會葬

季禮妾母故不稱天王召米地較作毛伯爵周卿士

夏公孫敖如晉

襄高

氏曰王舍且賵又會葬矣捨天王而謹事晉不待貶而惡自見

五年春王使榮叔來含且賵召昭公來會葬禮也

庚子文

○夏季孫行父如陳

○閏月不告月猶朝于

六年

廟

告音格猶朝于廟者幸其不已之辭

臧文仲以陳

共衛成

之睦也欲求好於陳夏季文

子聘于陳且娶焉

臣非君命不越竟故因聘而自為娶

○閏月不告

朔非禮也

天子常以今年冬班明年正朔于諸侯以告於廟以特羊為請而行之所謂稟正閏以正朔也公以閏為附月之餘故不告非禮也

時

四時虛盈漸差置閏以正之

時以作事

知農桑之早晚

事以厚生有衣

食以養生

生民之道於是乎在矣不告閏朔棄時政也

何以為民

為治也

辛丑

七年春公伐邾三月甲戌取須句遂城郛

郛音

邑下縣南有郛城之備郛難

○狄侵我西鄙

七年春公伐邾間晉難也時襄卒三月甲戌取須

句寘文公子焉邾文公子叛在魯者非禮也絕大畔之祀以與隣國叛臣故

非禮○狄侵我西鄙公使告于晉趙宣子使因賈季

問酆舒且讓之時季奔狄酆舒秋相讓責也酆舒問於賈季曰

趙衰趙盾孰賢對曰趙衰冬日之日也趙盾夏日

之日也冬日可畏夏日可畏

○冬徐伐莒公孫敖如莒泣盟

穆伯娶于莒曰戴已生文伯即穀其娣聲已生惠

叔即難戴已卒又聘于莒莒人以聲已辭則為襄

仲聘焉即公子遂莊公之子款從兄弟冬徐伐莒莒人來請盟求援

而請脩 兆之盟穆伯如莒泣盟且為仲逆及鄆陵莒登城

見之美自為娶之仲請攻之公將許之叔仲惠伯

諫曰即叔仲彭生叔牙孫臣聞之兵作於內為亂於外為寇

寇猶及人亂自及也今臣作亂而君不禁以啓寇

讐若之何公止之惠伯成之平二使仲舍之舍不娶

公孫敖反之遂甘復為兄弟如初從之

文寅八年春王正月夏四月○公孫敖如京師不至

而復丙戌奔莒公無冬蝨而字冬蝨

穆伯如周弔喪特襄王崩不至以幣奔莒從已氏焉

癸卯文九年○夫人姜氏如齊○三月夫人姜氏至自齊

出姜齊昭公之女歸寧父母出入以禮故書至○九月癸酉地震○秦人康

來歸僖公成風之祿成風乃僖公母雖母子亦先君

是也先儒以為妾母繁子為一人恐非秦夷狄故不稱使

秦人來歸僖公成風之祿禮也諸侯相弔賀也誰

不當事苟有禮焉書也以無忘舊好杜云秦慕諸夏欲通於魯

故追贈僖公并及成風本非同盟無相赴弔之義故不識其緩而以接好為禮

甲辰十年春王三月辛卯臧孫辰卒子許嗣○自正

月不雨至于秋七月穀梁曰歷時而言不雨文不閏雨也不閏雨者無志乎民也

乙巳文○冬十月甲午叔孫得臣敗狄于鹹

鄭瞞侵齊昭遂伐我鄭音投瞞莫于反防風之後

為防風氏公卜使叔孫得臣追之吉侯叔夏御莊

叔即得臣縣房甥為右富父終甥駟乘一車止三人今四人故曰

冬十月甲午敗狄于鹹地獲長狄僑如富父終

甥搯其喉以戈殺之埋其首於子駒之門魯郭以

命宣伯得臣名子宣伯曰僑如以旌其功初宋武公之世春秋前鄭

瞞伐宋司徒皇父帥師禦之皇父子也名克石宋戴公之子為司徒

而班御皇父充石公子穀甥為右司寇牛父駟

乘以敗狄于長立地獲長狄緣斯長狄祖皇父之二

子死焉皇父及穀甥牛父俱死宋公於是以門賞而班使食

其征謂之彤門惟班在故以開門賞其功使晉之取其稅征遂以班姓名其門晉之

滅潞也

宣十五年

獲僑如之弟焚如齊襄公之二年

桓

六年鄭瞞伐齊

齊王子成父獲其弟榮如埋其首於

周首之北門

周首齊邑濟北穀城縣東北有周首亭

衛人獲其季弟

簡如鄭瞞由是遂亡

○穀梁曰不言帥師而言敗何也直敗一人之辭

也一人而曰敗何也以衆焉言之也

言雖一人傳足以當衆

曰長狄也弟兄三人佚宕中國

佚同逸宕同蕩謂放縱無忌猶言橫

行也瓦石不能害叔孫得臣最善射者也射其目身

橫九畝

廣一步長百步為畝九畝五丈四尺

斷其首而載之眉見於

軾

考工記兵車之廣六尺有六寸又以其廣之半為軾崇是軾高從上而下去車版三尺三寸也

車上橫施一木曰輅然則何為不言獲也曰古者不重傷不

禽二毛故不言獲為內諱也傳謂既射其目又斷其首為重傷故內諱

不書獲按不言獲賤夷狄之師耳無他義其之齊者王子成父殺之則

未知其之晉者也

丙午十有二年春王正月邾伯來奔公作○季孫行

父帥師城諸及鄆公作運魯所爭者城陽姑幕縣南有員亭員即邾也以遠徧外國

故行父帥師城之

邾太子朱儒自安於夫鍾邾國國人弗狗順也十二年

春邾伯卒邾人立君立君別也太子以夫鍾與邾邾

來奔邾音圭邾邑名公以諸侯逆之非禮也故書曰邾伯

來奔不書地尊諸侯也

既事為諸侯故不書
竊邑之罪以祭貶也

○城

諸及郚書時也

丁未文

十有三年春王正月○自正月不雨至于秋七

月世室屋壞

傳作大室

秋七月大室之屋壞

伯禽之廟

書不共也

共恭同

○公羊曰世室者何魯公之廟也周公稱大廟魯

公稱世室群公稱宮此魯公之廟也曷為謂之世

室世室猶世室也世世不毀也周公何以稱大廟

于魯封魯公以為周公也周公拜乎前魯公拜乎

後

始受封時拜于文王廟也父子俱拜明以周公之功封魯公

曰生以養周公

死以為周公主然則周公之魯乎曰不之魯也封

魯公以為周公主然則周公曷為不之魯欲天下

之一乎周也魯祭周公何以為牲周公用白牡魯

公用騂牝白牡放牲也周公有王禮嫌不敢與文

以諸侯不嫌故從周制以春為差群公不毛純色也魯祭周公何

以為盛周公盛魯公壽群公廩註盛者謂新谷滿其器盛者謂新谷滿

下故上新覆之相半廩者謂連新於陳上財令半相連爾此謂拾祭序昭穆之差世室屋

壞何以書譏何譏爾又不脩也

冬公如晉衛侯會公于沓公無公字○十有二月己丑公

及晉侯盟公還自晉公谷無公字鄭伯會公于棗公作斐鄭穆衛

成武於楚畏晉
盛故因公請平

冬公如晉朝且尋盟衛侯會公于杏請平于晉公

還鄭伯會公于棗鄭地即棗林亦請平于晉公皆成之

明年遂得鄭伯與公宴于棗子家賦鴻鴈子家鄭

生也鴻鴈小雅篇名取劬勞于野爰及矜人哀此鰥寡言鄭國家弱微使哀之也季文子

曰寡君未免於此文子賦四月小雅篇名取四月惟夏六月祖暑先

祖匪人胡寧忍子言魯寡子家賦載馳之四章風

篇名取控于大邦誰因誰文子賦采芣之四章小雅

篇名取豈敢定居一月三捷言與鄭請平不敢寧也鄭伯拜公答拜

戊申十有四年春王正月公至自晉○秋七月有星

字入于北斗

字音佩猶第也偏指曰慧光芒四出曰字斗有環域蓋入其魁中

有星孛入于北斗周內史叔服曰不出七年宋齊

晉之君皆將死亂

後三年宋弒昭公五年齊弒懿公七年晉弒靈公

公至自會

諸侯會于新城事見邾

○九月甲申公孫敖卒于齊

穆伯之從已氏也魯人立文伯

即長

穆伯生二子

於莒而求復文伯以為請襄仲使無朝聽命復而

不出

襄仲以已氏故怨穆伯使歸魯不與政穆伯急於復國故聽之不出朝也

三年而

盡室以復適莒文伯疾而請曰穀之子弱

即孟獻子請

立難也

謂立弟惠叔

許之文伯卒立惠叔穆伯請重賂

以求復惠叔以為請許之將來九月卒于齊告喪

請葬弗許。惠叔請歸魯以禮葬而魯不許也。

已酉文十五年○齊人歸公孫敖之喪。公羊曰何以不言來內辭也齊我而歸之

苟將而來也苟什使

齊人或為孟氏謀曰魯爾親也飾棺實諸堂阜。氏

云飾棺即喪大記大夫畫惟二池不振容畫荒火三列徽三列素錦諸綬紐二玄紐二是也綳之束

其為尊者喪堂阜齊魯境地實於此不殯示無歸魯必取之從之卜人以

告。魯卜邑大夫惠叔猶毀以為請。哀毀請以示戚立於朝以待

命許之取而殯之。殯於孟氏之寢齊人送之書曰齊人歸

公孫敖之喪為孟氏且國故也。齊為孟氏故且國之公族故歸送之

葬視共仲。即慶父教之聲已不視。即教帷堂而哭。之妻

怒教從苦女故惟堂襄仲欲勿哭怨教取其妻惠伯曰

喪禮朝夕哭不惟即叔仲彭喪親之終也親戚終天之別雖不能始善終可

也士叔牙孫史佚有言曰兄弟致美救之致謀為以賀善弔

災祭敬喪哀情雖不同毋絕其愛親之道也言兄弟情

雖不合不可絕如上文天子無失道何怨於人襄

仲說悅音帥兄弟以哭之他年其二子來音女生孟

獻子愛之聞於國殺之子仲孫義或譖之曰將殺

子言二子將殺獻子獻子以告季文子季友二子曰夫子

以愛我聞我以將殺子聞不亦遠於禮乎遠禮不

如死一人門于句瀕一人門于戾丘皆死句音句瀕音瀕

與庚立皆魯邑名時有
寇攻門二子禦之而死

六月辛丑朔日有食之鼓用牲于社

六月辛丑朔日有食之鼓用牲于社非禮也日有
食之天子不舉伐鼓于社諸侯用幣于社伐鼓于
朝以昭事神訓民事君示有等威古之道也

事神指天

子諸侯而言事君指天子諸侯
之民而言等威威儀之等差也

○秋齊人懿侵我西鄙季孫行父如晉靈

秋齊人侵我西鄙故季文子告于晉

文戊戌十有六年春季孫行父會齊侯靈于陽穀齊侯

弗及盟夏五月公四不視朔

十六年春王正月及齊平

行父告晉為會諸侯于
扈受賂還齊又侵我西

鄆見

公有疾使季文子會齊侯于陽穀齊地請盟齊

侯不肯曰請俟君間

間疾
瘳也

夏五月公四不視朔

謂二

月三月四月五月

疾也

○公羊曰公曷為四不視朔公有疾也

以不諱舉
公知有疾

何言乎公有疾不視朔自是公無疾不視朔也然

則曷為不言公無疾不視朔有疾猶可言也無疾

不可言也

公自是無疾不視朔諱國惡不可書故
於此書公不視朔不言有疾以見不復

視朔
之諱

六月戊辰公子遂及齊侯盟于鄆立

音西公作畢秋
戰作師齊地

八月辛未夫人姜氏薨毀泉臺

聲諸姜姓僖公夫人文公母

公使襄仲納賂于齊侯故盟于鄆丘有蛇自泉宮

出入于國如先君之數

伯禽至僖公十七君

秋八月辛未聲

姜薨毀泉臺

以蛇妖所出故

○公羊曰泉臺者何即臺也即臺則曷為謂之泉

臺未成為即臺既成為泉臺

莊公築臺于即臨民之所澆泥未成但以

本地名故曰即既成以有泉更名曰泉

毀泉臺何以書譏何譏爾築

之譏毀之譏先祖為之已毀之不如勿居而已矣

毀之是暴揚先祖失

辛亥文十七年

○夏四月癸亥葬我小君聲姜

聲公作聖九月葬慢也

齊侯伐我西鄙杜云西當為北六月癸未公及齊侯盟于

穀○秋公至自穀冬公子遂如齊

夏四月癸亥葬聲姜有齊難是以緩齊侯伐我北

鄙襄仲請盟六月盟于穀○襄仲如齊拜穀之盟

復曰臣聞齊人將食魯之麥言將伐魯而食其麥以臣觀之

將不能齊君之語偷偷苟且也臧文仲有言曰民主偷

必死

文子十有八年春王二月丁丑公薨于臺下臺下非正也

十八年春齊侯戒師期將伐而有疾醫曰不及秋

將死公聞之卜曰尚無及期庶幾齊侯惠伯令龜先陣期死

以卜事

卜楚丘占之曰齊侯不及期非疾也君亦

告龜

君先死不聞君死

令龜有咎

言惠伯所令龜有咎故知君死

二月丁

丑公薨

○六月癸酉葬我君文公秋公子遂叔孫得臣如齊

冬十月子卒夫人姜氏歸于齊

子卒不日以見其弒書遂並使于上著弒

君之人書夫人則知其正書姜氏則知其非見絕於先君書歸于齊則知其無罪魯之臣子殺適立庶敬

肅宣公不能事主君存通母其罪並見矣

六月葬文公秋襄仲莊叔如齊惠公立故且拜葬

也襄仲賀惠公立莊叔謝齊來會葬

文公二妃敬嬴生宣公

庶敬

嬴辟女而私事襄仲宣公長而屬諸襄仲襄仲欲立

之叔仲不可。即惠伯叔牙孫仲見于齊侯而請之。齊侯新

立而欲親魯許之。惡是齊甥齊許廢惡立宣公冬者以宣非適得國必感已也

十月仲殺惡及視。大子惡及弟視而立宣公。書曰子卒

諱之也。諸侯在喪稱子曰子卒者諱也仲以君命召

惠伯。其宰公冉務人止之曰。入必死。叔仲曰。死君

命可也。公冉務人曰。若君命可死。非君命何聽。弗

聽。乃入殺而埋之。馬矢之中。公冉務人奉其帑以

奔蔡。既而復叔仲氏。史畏襄仲不敗書殺惠伯夫人姜氏歸于

齊。大歸也。惡視之母出姜也將行哭而過市曰。天乎。仲為

不道殺適立庶。市人皆哭。魯人謂之哀姜。

○穀梁曰夫人姜氏歸于齊惡宣公也有不待賤絕而罪惡見者有待賤絕而惡從之者姪娣者不

孤子之意也一人有子三人緩帶一曰就賢也

者優游之稱也言姪娣者為其廣嗣但一人有子則三人皆無憂一曰姪娣者為其擇小君之賢而就事之今夫人歸則宣公不能盡子職使緩帶致

季孫行父如齊行父亦與叔若謀恐齊人聽夫人

宣公名倭一名接文公姜敬廋之子夫人穆姜在位十八年卒葬法善間周達曰宣

癸丑元年春王正月公即位繼故而書即位與國乎試也公子蒯

如齊逆女三月遂以夫人婦姜至自齊齊逆女夫人

至者宣之惡有大於姜要故詳無以見貶逆而齊黨魯本諱亦見矣

元年春王正月公子遂如齊逆女尊君命也

遂令君命

如齊逆女故書公子以尊君命也

三月遂以夫人婦姜至自齊尊夫人也

國無二尊故遂不言公子稱所以成

小君之尊也公子親實非族也故傳

不言合族

○公羊曰遂何以不稱公子一事而再見者卒名

也

卒終也終但舉名者省文也

夫人何以不稱姜氏敗曷為敗

譏喪娶也

喪娶者公也則曷為敗夫人內無貶于

公之道也內無貶于公之道則曷為敗夫人夫人

與公一體也

敗婦見夫

其稱婦何有姑之辭也

夏季孫行父如齊

○公會齊侯于平州

齊地在今魯西

公

子遂如齊六月齊人取濟西之田齊人致賂以免討而書齊人取者所

以著齊罪

夏季文子如齊納賂以請會宣公以篡立未列於會故以賂請之○

會于平州以定公位篡立者諸侯既與之會則不得復討臣子殺之與弑君同

故公與齊會而位定東門襄仲如齊拜成六月齊人取濟西

之田濟西故魯地僖三十一為立公故以賂齊也年晉文分魯取之曹者

乙卯宣三年春王正月郊牛之口傷改卜牛牛死乃不

郊猶三望

三年春不郊而望皆非禮也牛雖傷死當更改卜取其吉者郊不可廢

今廢郊既廢而又望二者皆非禮也去年冬十月匡王崩未葬魯有三年喪得郊者王制喪三年不

祭惟祭天地社稷為越禘而望郊之屬也不郊亦行事謂不敢以卑廢尊也

無望可也

○公羊曰其言之何緩也曷為不復卜養牲養二

卜牛卜日曰牲二帝牲不吉則扳稷牲而卜之帝

牲在于滌三月於稷者唯具是視滌宮名養帝牲

滌者取蕩滌潔淨三牢者各主一月取三月一時足以克其天性具謂視身體完具無災害而已不

特養郊則曷為必祭稷王者必以其祖配后稷乃

祖王者則曷為必以其祖配自內出者無匹不行

祖親自內出本止無天為自外至者無主不止天

匹則不行而享於郊矣則外至本行無祖為主則不止而享于郊矣

丙辰宣
四年

○秋公如齊公至自齊宣公比年如齊而皆致者危之也

丁巳

五年春公如齊夏公至自齊秋九月齊高固來

逆子叔姬

杜云適諸侯稱女適大夫稱字所以別尊卑也不書女歸降於諸侯稱子者別於先

公之女也傳無子字

五年春公如齊高固使齊侯止公請叔姬焉

高固齊大夫

夫欲謀自娶公女故使齊惠止之

夏公至自齊書過也

過謂書夏踰時始返

也秋九月齊高固來逆女自爲也故書曰逆叔姬

卿自逆也

○穀梁曰諸侯之嫁子于大夫主大夫以與之

禮婚

主人設几筵于廟以待迎者諸侯大夫尊卑不敵故使大夫爲之主來者接內也不

正其接內故不與夫婦之稱也

不言逆女

叔孫得臣卒

子僑如嗣

冬齊高固及子叔姬來

高固親來反馬叔姬

未踰歲歸寧皆非禮

冬來交馬也

禮嫁女留其送馬不敢自安三月廟見成婦遣使反馬

戊午宣六年

○夏四月秋八月冬螽冬十月

已未

七年春衛侯使孫良夫來盟○秋公至自伐萊

大旱

夏會齊惠代萊見齊

冬公會晉侯宋公

文衛侯鄭伯襄曹

伯文于黑壤

晉地一名黃父

七年春衛孫桓子來盟始通且謀會晉也

衛成殺為晉成

致魯而魯尊事齊故使

○鄭及晉平公子宋之謀

也

去年楚伐鄭取成叛晉鄭公子宋弑靈公故謀從晉以未媚

故相鄭伯以會

冬盟于黑壤王叔桓公臨之以謀不睦

桓公周晉

侯之立也

成公

公不朝焉又不使大夫聘晉人止

公于會盟于黃父公不與盟以賂免故黑壤之盟

不書諱之也

經書會不書盟諱公慢盟主以取執止之辱

宣

八年春公至自會夏六月公子遂如齊至黃乃

復

黃齊

辛巳有事于大廟仲遂卒于垂

齊

壬午猶繹

萬入去籥

此公子遂也易為字生而賜氏俾世其官也易為書辛以事之變卒之也

有事于大廟襄仲卒而繹

繹祭之明日以賓尸祭繹復祭也但不灌地降

非禮也

禮大夫卒當祭則不告終事而聞則不繹魯人知卿性亡喪不宜作樂而不知

廢釋失敬大
臣之禮也

○公羊曰其言至黃乃復何有疾也何言乎有疾

乃復譏何譏爾大夫以君命出聞喪徐行而不返

疾尚不返則○壬午猶釋萬入去籥釋者何祭之

明日也萬者何千舞也籥者何籥舞也其言

萬入去籥何去其有聲者廢其無聲者存其心焉

爾存其心焉爾者何知其不可而為之也廢謂去

也言存心於知佐養故去有聲不去無聲以養是

心而見其心不在於樂蓋知卿喪不可作樂而為

如此事也胡氏不知何註存於樂猶者何通可以

已也

戊子夫人嬴氏薨○秋七月甲子日有食之既冬十

月己丑葬我小君敬嬴公谷作頃熊公母文公妾雨不克葬庚寅

日中而克葬城平陽

冬葬敬嬴旱無麻始用葛第第所以引柩殯則以備火葬則以下棺當

用麻今用葛為之記禮之變始此雨不克葬禮也禮卜葬先遠日

辟不懷也禮凡卜筮旬之外曰遠某日旬之內曰近某日葬是奪哀故先旬外遠日少

孝子心避不思念其親今若冒雨而葬亦是不城思念親故舉卜葬先遠日以証為雨而止禮也城

平陽泰山有平陽縣書時也

辛酉九年春王正月公如齊公至自齊有母喪而朝齊無哀甚矣

夏仲孫蔑如京師○秋取根牟

九年春王使來徵聘夏孟獻子聘於周王以為有

禮厚賂之秋取根牟言易也附庸東夷小國也瑯琊縣東有牟鄉

壬戌十年春公如齊公至自齊齊人歸我濟西田齊非

義取之故云歸我

十年春公如齊齊侯以我服故歸濟西之田元年以賂

齊者

夏四月丙辰日有食之○五月公至自齊齊惠卒入齊奔喪

○秋天王使王季子來聘

劉康公來報聘定王母弟季子食采於劉報孟獻子聘

公孫歸父帥師伐邾取邾北有緡山公作類大水季

孫行父如齊。冬，公孫歸父如齊。齊侯使國佐來聘。年頃以君命遣使聘於鄰國，忘哀戚饑之情矣。註以爲既葬，故稱君命使也。

師伐邾，取繹。季文子初聘于齊。齊頃初冬，子家如

齊。即歸父，襄仲子。伐邾，故也。取繹。國武子來報聘。國歸父之子。

癸亥 宣 十有一年春，王正月。

甲子 宣 十二年 秋七月。

乙丑 宣 十三年 秋螽。

丙寅 宣 十四年 冬，公孫歸父會齊侯于穀。頃

冬，公孫歸父會齊侯于穀，見晏桓子。晏平仲父。與之言

魯樂。樂音洛，指勢位也。桓子告高宣子。即高固。曰：「子家其亡。」

乎懷於魯矣

子家歸父字懷思也

懷必貪貪必謀人謀人人

亦謀已一國謀之何以不亡孟獻子言於公曰臣

聞小國之免於大國也

免免聘也

聘而獻物於是有庭

實旅百

聘謂諸侯使卿大夫比年三年相聘問也旅陳也百謂圭璧皮幣之屬百品也言聘

而獻物實於朝而獻功於是有容貌采章

朝謂諸侯五年

自朝也獻功謂稟大國政令而所行之事績也容貌接見之威儀采章所用之卑服謂事大國各等

禮節嘉淑而有加貨

嘉嘉禮之嘉淑善也嘉淑謂大國有征伐功婚姻事則往

慶賀之此事無常期於朝聘外又有此以加貨物也謀其不免也誅而薦賄

則無及也今楚在宋

莊王圖宋文見宋

君其圖之公說

楚強而魯畏之

丁卯 十有五年春公孫歸父會楚子于宋從孟獻子之言也胡

氏謂魯不能仗義攘夷至於薦 秋蟲仲孫蔑會高

固于無婁公作牟婁杞邑隱四年伐莒取牟婁即此

十五年春公孫歸父會楚子于宋

初稅畝冬鰥生饑鰥悅全友姦之子爾雅謂鰥鰥說

而生故曰鰥鰥類

初稅畝非禮也謂助公田又履畝而 穀出不過籍

籍借也民耕百畝借力耕公田十 以豐財也冬鰥

生饑幸之也杜云幸其冬生不為物害今按公羊

猶曰受之云爾受之云爾者何上變古易常應是

而有天災其諸則宜於此焉變矣則幸之謂始親

畝幸天道之即應庶幾宜公之能變而改過也其諸語解

○穀梁曰初者始也古者什一籍而不稅初稅畝

非正也古者三百步為里名曰井田井田者九百

畝公田居一公田百畝在中除二十畝為八家廩舍一家各二畝半餘八十畝八家共

耕私田稼不善則非吏公田稼不善則非民非貴也吏

田峻也言吏急民使不得營私田初稅畝者非公之去公田而履

畝十取一也除去公田外又稅民十一也以公之與民為已悉

矣古者公田為居井竈荏韭盡取焉損減其廬舍家作一園以

種五菜外種楸桑以備養生送死冬蠶生蠶非災也其曰蠶非稅

畝之災也註錄之言緣也緣宜公稅故生此災以責之

戊辰宣
十六年
○秋郊伯姬來歸
冬大有年
五穀熟為大有年胡云宣戰逆

宣災大有年記異也

秋郊伯姬來歸出也

己巳宣
十七年
○六月癸卯日有食之
○秋公至自會
會晉景衛

穆曹宣邾定盟斷道
冬十有一月壬午公弟叔聃卒

稱弟得弟道稱字又非大夫而害卒賢之也

冬公弟叔聃卒公母弟也凡大子之母弟公在曰

公子不在曰弟
以兄為尊
凡稱弟皆母弟也
子嬰齊為大夫

○穀梁曰其曰公弟叔聃賢之也其賢之何也宣

弑而非之也非之則胡為不去也曰兄弟也何去

而之與之財則曰我足矣織屨而食終身不食宣

公之食君子以是為通恩也以取貴乎春秋論情可以

明親親言義可以厲不執故稱字以表之

庚午宣
十年
○夏四月秋七月邾人戕鄆子于鄆邾姓

少康封其少子曲烈于鄆沂州承縣東八十里故鄆城今澤縣是也

夏公使如楚乞師欲以伐齊初魯事齊甚謹及與晉盟斷道謀齊始有

怨隙今齊晉衛伐齊齊與秋邾人戕鄆子于鄆凡

自霄其君曰弑自外曰戕弑者積微而起所以相測量非一朝一夕之漸

戕音牆卒暴之名楚莊王卒楚師不出既而用晉

師成二年戰楚於是乎有蜀之後在成二年冬

○公孫歸父如晉景冬十月壬戌公薨于路寢歸父

還自晉至笙遂奔齊笙公谷作徑

公孫歸父以襄仲之立公也有寵歸父棄仲之子欲去三

桓以張公室張大也與公謀而聘於晉欲以晉人去

之冬公薨季文子言於朝曰使我殺適立庶以失

大援者子惡乃齊甥失齊援仲也夫臧宣叔怒曰名許即文仲之子武

仲之父為魯司寇當其時不能治也後之人何罪子欲去

之許請去之遂逐東門氏魯仲居東門氏故曰東門氏子家遷及

笙即歸父字笙魯境上一謂魯境外壇帷復命於介既復命袒括

髮即位哭三踊而出壇惟除地為壇而張帷於上也復命于介復使晉之命於

介使歸反之也。但去衣也。括髮以麻約。遂奔齊。書

曰歸父還自晉善之也。善其以禮進退

成公

名黑肱宣公子母穆姜夫人齊妻在位一十八年卒諡法安民立政曰成

辛未元年春王正月公即位二月辛酉葬我君宣公

無冰三月作丘甲

作者不直作也

夏臧孫許及晉侯盟于

赤棘

晉地

○冬十月

為齊難故作丘甲

古者九夫為井除中公田實八家也四井為邑四邑為丘立十

六井一百二十八家也出戎馬四匹兵車一乘甲士三人

步卒七十二人二十五人為一甲九三甲成兵車

一乘則是一丘出十八人積四丘成七十二人

立零五井奇方出一甲積四丘而成三甲今使開

每立出一甲則是三分增一一甸百人為兵矣

齊將出楚師夏盟于赤棘

魯既背齊事晉又乞楚師不用無禮於大國故

齊故約楚伐魯

○冬臧宣叔令脩賦繕完

脩賦車馬治完城郭

具守

備曰齊楚結好我新與晉盟晉楚爭盟齊師必至

雖晉人伐齊楚必救之是齊楚同我也

晉楚爭與魯盟齊必

為楚伐魯晉雖為魯伐齊楚必救齊伐魯是齊楚同伐魯也

知難而有備乃可

以逞

逞遂其欲無難也

壬申

二年春齊侯伐我北鄙

二年春齊侯伐我北鄙圖龍

魯北鄙邑在泰山博縣西南

頃公

之嬖人盧蒲就魁門焉

盧蒲氏也就魁門攻門也

龍人囚之

齊侯曰勿殺吾與而盟無入而封弗聽殺而膊諸

城上

也。勝。隙。

齊侯親鼓士陵城三日取龍遂南侵及

巢立。

○取汶陽田

齊歸我田而書取魯不能保有借晉力復之猶若取之於外也

○公羊曰汶陽田者何鞍之賂也

時入晉乞師敗齊于鞍故齊復

其侵田見齊

冬楚師鄭師侵衛十有一月公會楚公子嬰齊于蜀

丙申公及楚

共

人秦

桓

人宋

文

人陳

成

人衛

定

人鄭

襄

人齊

頃

人曹

宣

人邾

人薛

人鄆

人盟于蜀

魯地

山博

縣

秦

西北有蜀亭稱師著其衆也會不沒嬰齊之氏名者欲見其被衆威曾而以臣仇君也盟書楚人者不與

其以夷狄主中國盟也諸侯即書人者責其背華從夷也

宣公使求好于楚莊王卒宣公薨不克作好公即

公受盟于晉會晉伐齊即戰衛人不行使于楚而

亦受盟于晉從於伐齊楚共王立衛不聘亦從晉戰故楚令尹

子重為楊橋之役以救齊楚侵魯楊橋以救齊將起師子重

曰君弱群臣不如先大夫師衆而後可詩曰濟濟

多士文王以寧詩大雅文王篇濟濟衆多貌寧安也夫文王猶用衆

况吾儕乎且先君莊王屬之曰無德以及遠方莫

如惠恤其民而善用之惠德惠也恤矜恤也莊王言德不能及遠不如以德

惠恤民善用以征乃大戶大閱民已責已止也責征求也

逮鰥逮及也謂民救之救罪悉師王卒盡行彭名御

戎蔡景公爲左許靈公爲右

王卒盡行故王戎車亦行雖無楚王令二

君當左右位

二君弱皆強冠之冬楚師侵衛遂侵我師

于蜀使臧孫往辭曰楚遠而久固將退矣無功而

受名

受退楚之名

臣不敢楚侵及楊橋孟孫請往賂之

即獻子

以執斲執鍼織紵皆百人

執斲梓匠也執鍼女工也織莊織紵

布者紵機緯也

公衡爲質

公衡成公之子

以請盟楚人許平十一

月公及楚公子嬰齊蔡侯許男秦右大夫說宋華

元陳公孫寧衛孫良夫鄭公子去疾及齊國之大

夫盟于蜀

傳不書齊大夫名非卿也

卿不書匱盟也於是乎畏

晉而竊與楚盟故曰匱盟

匱乏之言窮乏不得以盟所以經不書卿名

而書人責諸侯不當背晉盟主而執從夷狄

蔡侯許男不書乘楚車也

謂之失位君子曰位其不可不慎也乎蔡許之君

一失其位不得列於諸侯况其下乎詩曰不懈于

位民之攸暨

詩大雅假樂篇辭也攸所暨息也

其是之謂矣楚師

及宋公衡逃歸臧宣叔曰衡父不忍數年之不宴

以棄魯國國將如之何誰居後之人必有任是夫

國棄矣

居音基語辭言後之人不知為誰必有任是咎者衡父奔魯國矣

是行也

晉辟楚畏其衆也君子曰衆之不可已也大夫為

政猶以衆克况盟君而善用其衆乎大誓所謂商

兆民離周十人同者衆也

民離則弱合則成衆言散亡周以衆興

癸酉成三年

○二月公至自伐鄭春會晉伐鄭討鄭敗見鄭甲子新宮

災三日哭

○公羊曰新宮者何宣公之宮也宣宮則曷為謂

之新宮不忍言也

親之精神無所依而災孝子隱痛不忍正言也謂之新宮者因

新入宮易西北角示穆昭相繼有所更改

其言三日哭何廟災三日哭

禮也新宮災何以書記災也

痛傷鬼神無所依故君臣縞素哭之

○夏公如晉○公至自晉秋叔孫僑如帥師圍棘

夏公如晉拜汶陽之田○秋叔孫僑如圍棘

棘汶陽之

邑在濟北蛇丘縣

取汶陽之田棘不服故圍之

大雩○冬十有一月晉侯使荀庚來聘衛侯使孫良

夫來聘丙午及荀庚盟丁未及孫良夫盟

冬十有一月晉侯使荀庚來聘且尋盟

庚荀林父子晉下卿

尋元年赤棘之盟

衛侯使孫良夫來聘且尋盟

良夫孫肥子之子衛

上卿尋宣七年良夫來盟之盟

公問諸臧宣叔曰中行伯之於晉

也其位在三

以父林父為晉中行故為中行六位下卿將晉上軍

孫子之於

衛也位為上卿將誰先對曰次國之上卿當大國

之中中當其下下當其上大夫

大國降大國一等

小國之

上卿當大國之下卿中當其上大夫下當其下大

夫

小國降大國二等

上下如是古之制也

公為大國侯伯為次國子男為

小衛在晉不得為次國

春秋時以強弱為大國晉為小國

盟主其將先之

許等則衛上卿與晉下卿相敵以盟主故先晉可也

丙午盟

晉丁未盟衛禮也

甲戌成四年

○夏四月甲寅臧孫許卒

子純嗣

公如晉○秋

公至自晉

夏公如晉

景

晉侯見公不敬季文子曰晉侯必不

免

後十年景公殆則卒

詩曰敬之敬之天惟顯思命不易哉

詩周頌敬之篇思語辭群臣戒成王敬之哉敬之哉天道甚明其受命不易保當敬以奉之

夫

晉侯之命在諸侯矣可不敬乎

晉為盟主得諸侯是受天命不敬諸

侯則失天命矣

秋公至自晉欲求成于楚而叛晉季文子

曰不可晉雖無道未可叛也國大臣睦而邇於我

諸侯聽焉。未可以貳史佚之志。有之曰：非我族類。

其心必異。楚雖大，非吾族也。其肯字我乎？公乃止。

冬城鄆。

公作運魯有二鄆。此西鄆在東。鄆廩立。東有鄆城。成十六年公待于鄆。即此。杜云公欲叛。

晉故城而為之備。

乙亥成五年。

○秋大水。

丙子成。

六年春。王正月。公至自會。

去冬鄭服盟。去冬鄭服盟。

二月辛

巳立武宮。

公羊以為武公之宮。武公名義乃伯禽之玄孫。隱公之高祖。歷世十一。不宜立廟。今

按明堂武公之廟。武世室也。既世世不毀。豈有此時方立。依傳為是。昭公有事于武宮。與此名同而實異。

取鄆。

音專。微國。成而書取為君隱也。

二月季文子以鞍之功立武宮。非禮也。聽於人以

救其難

聽命於晉以救齊難

不可以立武立武由已非由人

也

古者出師必以還廟之主行詳傳意魯戰戰以還廟主行既歸而有功故今為立宮以彰武如

楚子不為武軍而作先君宮義古以始取鄭言易

也

丁丑

七年春王正月鼯鼠食郊牛角改卜牛鼯鼠又

食其角乃免牛

鼯音奚鼠中之微者

○穀梁曰不言日急辭也過有司也郊牛日展解

角而知傷展道盡矣其所以備災之道不盡也

有司

展祭牛而知傷是展祭之道盡不能防災禦患致使鼠得食牛所故不書曰以顯有司過謂之怠者

就言其事以著其大不致改卜牛鼯鼠又食其

也解音求球然角貌

角又有繼之辭也其緩辭也曰亡乎人矣非人之

所能也所以免有司之過也至此復食故書其以寬之亡同無言災自

天作而不與乎人非人之所能備禦所以寬免有司之罪其所以致天變者不言自見舊謂亡乎人

為國無賢君非也乃免牛乃者亡乎人之辭也謂之乃者言人本不

欲免而天意欲免乃免之是不與乎人也免牲者為之緇衣纁裳有司

玄端奉送至于南郊免牛亦然免牲不曰不郊免

牛亦然郊者用牲言免牲則不郊顯矣言免牛亦然今經既書免牛而又書不郊者蓋為三

望起尔言時既不郊而猶三望明失禮

吳伐鄭音談○不郊猶三望○公至自會秋教鄭盟馬陵事見鄭

①冬大雩

七年春吳伐郟已姓國大埠後郟成季文子曰中國不振

旅蠻夷入伐而莫之或恤無弔者也夫言中國不能相恤

故夷狄內侵詩曰不弔昊天亂靡有定其此之謂乎詩小

雅節南山篇刺在上者不能弔慈下民故號天告亂有上不弔其誰不受亂

吾亡無日矣君子曰知懼如是斯不亡矣

戊寅八年春晉侯景使韓穿來言汶陽之田歸之于

齊來言者緩辭也歸之于者易辭也昔晉令不當而魯從之易也

八年春晉侯使韓穿來言汶陽之田歸之于齊即

年所取者齊服季文子餞之私焉曰大國制義以

為盟主是以諸侯懷德畏討無有貳心謂汶陽之

田敝邑之舊也而用師於齊使歸諸敝邑義即制今

有二命曰歸諸齊信以行義義以成命小國所望

而懷也信不可知義無所立四方諸侯其誰不解

體解體猶言離心詩曰女也不爽士貳其行士也罔極二

三其德詩微風氓之篇爽差也極至也二三不定也婦人怨夫已雖守誓約不差而夫則無

信七年之中一與一奪二三孰甚焉士之二三猶

喪妃耦而况霸主霸主將德是以而二三之也以用

其何以長有諸侯乎詩曰猶之未遠是用大簡猶

簡詩作諫行父懼晉之不遠猶而失諸侯也是以敢私

言之

○公羊曰來言者何內辭也脅我使我歸之也曷
爲使我歸之鞍之戰齊師大敗齊侯歸弔死視疾
七年不飲酒不食肉晉侯聞之曰嘻柰何使人之
君七年不飲酒不食肉請皆反其所取侵地

○公孫嬰齊如莒○秋七月天子使召伯來賜公命

臨諸侯曰天王君天下曰天子蓋一人之通稱設祭
曰錫命非正也曰天子何也曰見一稱也謂春秋自
此以上未有言天子者召伯周卿士

聲伯如莒宣公弟叔逆也因聘而○秋召桓公來

賜公命

○晉侯景使士燮來聘叔孫僑如會晉士燮齊頃人

邾人伐郚

晉士燮來聘言伐郚也以其事吳故七年郚公賂吳成

之請緩師文子不可曰君命無貳失信不立禮無

加貨辭其事無二成不緩君後諸侯是寡君不得

事君也燮將復之季孫懼使宣伯帥師會伐郚

己卯成九年○公至自會會于蒲以尋馬陵盟見晉○城中城

城中城書時也中城魯邑在東海廢立縣西南

庚辰成十年○夏四月五卜郊不從乃不郊五卜謂三月三句三卜又

四月二句二卜○冬十月公無此

辛巳十有一年春王三月公至自晉晉景公卒去年秋如晉弔為公

成

晉侯使卻犇來聘已丑及卻犇盟犇公作州夏季孫行父如晉

十一年春王三月公至自晉晉人以公為貳於楚

故止公公請受盟而後使歸卻犇來聘犇父兄弟從

且蒞盟公請受盟故蒞之聲伯之母不聘即宣公弟叔肸妻無媒禮聘也

穆姜曰宣夫人吾不以妾為姒兄弟之妻相謂為姒生聲伯而

出之生子叔嬰齊而出之嫁於齊管于奚生二子而寡以歸

聲伯聲伯以其外弟為大夫外弟管子奚之子而嫁其外

妹於施孝叔孝叔魯惠公五世孫卻犇來聘求婦於聲伯犇為

已求婦於聲伯聲伯奪施氏婦以與之婦人曰焉獸不

失儼也子將若何曰吾不能死亡其夫言若不與

婦人遂行生二子於郤氏郤氏亡在十晉人歸之七年

施氏施氏逆諸河沈其二子沈去聲又如字婦人

怒曰已不能庇其仇儼而亡之仇敵也又不能字

人之孤而殺之字愛也將何以終遂誓施氏誓不為

傳言擊淫夏季文子如晉報聘且蒞盟也施氏婦

秋叔孫僑如如齊靈冬十月

秋宣伯聘于齊以脩前好鞅以前

壬午成
十二年
○冬十月

癸未成
十三年
○秋七月公至自伐秦諸春如京師遂會

甲申成十四年○秋叔孫僑如如齊逆女○九月僑如以夫

人婦姜氏至自齊有姑故稱婦

秋宣伯如齊逆女稱族尊君命也○九月僑如以

夫人婦姜氏至自齊舍族尊夫人也不書叔孫故君子

曰春秋之稱微而顯志而晦婉而成章盡而不汙

懲惡而勸善非聖人誰能脩之微隱之也雖隱而能顯明志表以記

之也雖表而能晦昧婉委曲其辭也有所避諱最難成章盡盡其事也言之無餘易至汙穢

乙酉成五年○三月乙巳仲嬰齊卒○公至自會盟威討曹見曹

○公羊曰仲嬰齊者何公孫嬰齊也公孫嬰齊則

曷為謂之仲嬰齊為兄後也為兄後則曷

仲嬰齊爲人後者爲之子也爲人後者爲其子則

其稱仲何孫以王父字爲氏也

嬰齊公子仲遂之子歸父之弟以爲

兄後與子同故以仲然則嬰齊孰後後歸父也歸

父使于晉而未反何以後之叔仲惠伯傳子赤者

也文公死子幼公子遂謂叔仲惠伯曰君幼如之

何願與子慮之叔仲惠伯曰吾子相之老夫抱之

何幼君之有公子遂知其不可與謀退而殺叔仲

惠伯弑子赤而立宣公宣公死成公幼臧宣叔者

相也君死不哭聚諸大夫而問焉曰昔者叔仲惠

伯之事孰爲之諸大夫皆雜然曰仲氏也其然乎

於是遣歸父之家。然後哭君。歸父使乎晉還。自晉至。檉聞君薨。家遣墀帷哭。君成踊。反命于介。自是走之齊。魯人徐傷歸父之無後也。於是使嬰齊後之也。

丙戌成

十有六年春王正月。雨水冰。

正月今之十一月未甚寒雨下即着樹

為水記寒過

○穀梁曰。雨而水冰也。志異也。傳曰。根枝折。

○六月丙寅朔日有食之。○秋公會晉侯。厲齊侯。靈

衛侯。獻宋

平

華元。邾人

定

于沙隨。不見公。

直書不見公著晉信

誣之罪明公之無罪也故不諱公至自會。公會尹子。晉侯。齊國佐。邾

人伐鄭尹子周卿

戰之日夏晉與楚鄭戰鄆陵見晉齊國佐高無咎至于師無咎高固

子衛侯出于衛公出于壞隤壞一音懷隤楚回反魯邑先時晉入齊衛

魯俱乞師雖齊師至衛魯俱出次後宣伯通於穆

姜即僑如得臣子欲去季孟而取其室季文子將

行穆姜送公而使逐二子公以晉難告曰請反而

聽命姜怒公子偃公子鉏皆成公庶弟趨過指之曰女

不可是皆君也公待於壞隤申宮倣備設守而後

行是以後中重也丁寧反覆意倣戒也備使孟獻

子守于公宮秋會于沙隨宋地梁國寧陵縣北有沙隨亭謀伐鄭

也。鄭雖敗猶未服晉宣伯使告卻犇曰。魯侯待于壞隤以

待勝者。卻犇將新軍。步楊子克從兄弟且為公族大夫以

主東諸侯取貨於宣伯而訴公于晉侯。晉侯不見

公。○七月公會尹武公及諸侯伐鄭。將行。姜又命

公如初。公又申守而行。諸侯之師次于鄭西。我師

次于督楊。鄭東地不敢過鄭。子叔聲伯使叔孫豹請

逆于晉師。聲伯叔勝子豹僑如弟僑為食於鄭郊

師逆以至。聲伯期豹必聲伯四日不食以待之。食

使者而後食。聲伯四日不食待豹逆晉師至先食豹之介然後食一本作聲伯而後食

諸侯遷于制田。祭陽莊陵將知武子佐下軍以諸

侯之師侵陳至于鳴鹿

陳國武平縣西南有鹿邑

遂侵蔡未交

侵陳蔡不諸侯遷于潁上戊午鄭子罕宵軍之宋

齊衛皆失軍

杜云將主與軍相失宋衛不書後也

○九月晉人執季孫行父舍之于茗丘

舊音條公作招

冬十

月乙亥叔孫僑如出奔齊十有二月乙丑季孫行父

及晉卻犇盟于扈公至自會乙酉刺公子偃

謂之刺者取周

禮三刺之法

宣伯使告卻犇曰魯之有季子也猶晉之有欒范也

政令於是乎成今其謀曰晉政多門不可從也寧

事齊楚有亡而已蔑從晉矣

蔑無也

若欲得志於魯

請止行父而殺之。我斃蔑也。

蔑即孟獻子時留守公宮

而事晉

蔑有貳矣。魯不貳。小國必睦。不然。歸必叛矣。

不殺行父

歸必叛晉

九月。晉人執季文子于荅丘。

晉地公還待于鄆。

魯西

使子叔聲伯請季孫于晉。卻犇曰。苟去仲孫

蔑而止季孫。行父吾與子國親於公室。

親魯甚於親晉公室

對曰。僑如之情。子必聞之矣。若去蔑與行父。是大

棄魯國而罪寡君也。若猶不棄而惠徼周公之福。

使寡君得事晉君。則夫二人者。魯國社稷之臣也。

若朝亡之。魯必夕亡。以魯之密邇仇讐。

魯地近齊楚

亡

而為讐言。治之何及。卻犇曰。吾為子請。邑對曰。嬰齊

魯之常隸也。敢介大國以求尊焉。介因承寡

君之命以請。若得所請，吾子之賜多矣。又何求？范

文子謂欒武子曰：「李孫於魯相二君矣。」宣公或公妾不

衣帛，馬不食粟，可不謂忠乎？信諛慝而棄忠良，若

諸侯何？子叔嬰齊奉君命無私。指不請謀國家不

貳。指承命請圖其身不忘其君。通上若虛其請，是

棄善人也。子其圖之。乃許。魯平。赦李孫。冬十月出

叔孫僑如而盟之。時成公未歸國人逐去僑如奔齊。十二月

李孫及卻隼盟于扈。歸刺公子偃。偃與鉏俱為穆姜欲立獨較者

與召叔孫豹于齊而立之。七月齊人將討僑如豹

乃辟其難先奔齊生二子齊聲孟子通僑如魯公而魯乃召之非此年事

女使立於高國之間僑如曰不可以再罪奔衛亦

間於鄉傳亦終言僑如之度

○公羊曰執未有言舍之者舍實也實之于此其

言舍之何仁之也曰在招立悌矣悌者希悲也仁之者若曰在招

立可悲矣執未有言仁之者此其言仁之何代公執也

其代公執柰何前此者晉人來乞師而不與公會

晉侯將執公季孫行父曰此臣之罪也於是執季

孫行父以上言會成公將會厲公會不當期將執

公季孫行父曰臣有罪執其君子有罪執其父此

聽失之大者也

聽獄之失莫大於此

今此臣之罪也。舍臣之

身而執臣之君。吾恐聽失之為宗廟羞也。於是執

李孫行父

此言會伐鄭事善其過則稱已美則稱君兩代公執故仁之

丁亥成十七年

○秋公至自會

時伐鄭盟柯陵見鄭

○九月辛丑用郊

○穀梁曰夏之始可以承春以秋之末承春之始

蓋不可矣九月用郊用者不宜用也宮室不設不

可以祭衣服不備不可以祭車馬器械不備不可

以祭有司一人不備其職不可以祭祭者薦其時

也薦其敬也薦其美也非享味也

○十有一月公至自伐鄭

事見鄭

壬申公孫嬰齊卒于

狸脰

狸力之反。脰市軫反。公作軫谷作脰。

十有二月丁巳朔日有食之。

初聲伯夢涉洹。

洹者桓水名出汲郡林慮縣東北至魏郡長樂縣入清水。

或與

已瓊瑰食之泣而為瓊瑰盈其懷。

瓊瑰王也。瑰珠也。食之與盈懷有。

含死象。

從而歌之曰：濟洹之水，贈我以瓊瑰，歸乎歸。

乎。瓊瑰盈吾懷，予懼不敢占也。還自鄭。

時從公伐鄭。壬

申至于狸脰。

魯地。

而占之曰：余恐死，故不敢占也。今

衆繁而從余三年矣，無傷也。言之之莫而卒。

言祿位享。

已父是雖夢不吉無害也。莫古字同暮。言夢之暮而卒竟如其兆也。子叔老弱。

○公羊曰：此非月日也。曷為以此月日卒之？

按十月。

丁巳朔則十一月無壬申乃十月也。

待君命然後卒。大夫曷為待

君命然後卒大夫前此者嬰齊走之晉公會晉侯將執公嬰齊為公請公許之反為大夫歸至于狸軫而卒無君命不敢卒大夫國人未被君命不敢使從大夫禮公至曰吾固許之反為大夫然後卒之

○穀梁曰十一月無壬申壬申乃十月也致公而

後錄臣子之義也嬰齊從公伐鄭先致公而後錄其卒先君後臣之義也其

地未踰境也

戊子成十八年○公如晉○公至自晉晉侯使士句來聘

公如晉朝嗣君也晉悼公立○公至自晉晉范宣子來

聘且拜朝也君子謂晉於是乎有禮

○築鹿囿已丑公薨于路寢○丁未葬我君成公

築鹿囿書不時也已丑公薨于路寢言道也路寢在外

男子不絕於婦人之○丁未葬我君成公書順也

手故終於此為得道
五月而葬國家無事
世嫡承嗣故曰書順

春秋左傳類解魯卷之二終